




類函 百五七



三百四七八居處

三百四八九居處

4加  
427  
157





此係明治八年八月廿一日  
諸山田一人以購所  
以釀資贈



淵鑑類函卷三百四十七

居處部八廬樓

廬一

**釋**說文曰廬寄也春夏居秋冬去 釋名曰寄此為廬

**原**周官曰凡國野之道十里有廬廬有飲食 **禮**周

**禮**曰埜廬氏掌達國路 **原**漢書曰武帝詔嚴助君厭

承明之廬 **左**傳曰糞除先人敝廬 **原**列子曰燕人

生于燕長于楚及老而還本國過晉同行者誑之指舍

曰此若先人之廬乃泣然而泣 **原**洛陽故宫名曰侍

中廬在南宮中 **原**酉陽雜俎曰北方昏禮用青布幔

爲屋謂之青廬于此交拜行禮 潛確類書曰楚人結草爲廬形如蝸牛殼寢處其中以守室

廬二

**增**左傳曰齊侯歸遇祀梁之妻于郊使弔之辭曰殖之有罪何辱命焉若免于罪猶有先人之敝廬在下妾不得與郊弔 後漢書曰光武建武十七年幸章陵修園廟祠舊宅觀田廬 又曰陸烈平原人爲吳令行稱鄉里有爭田者將質之或至途望廬而返 **原**東觀漢記曰耿純率宗族歸光武時郡國多降邯鄲純先歸燒宗家廬舍上以問純純曰恐宗人賓客卒有不同故焚燒

廬舍絕其反顧之望上大笑 又曰承宮少孤年八歲爲人牧豬鄉里徐子明春秋授諸生數百人宮過其廬下見諸生講好之因忘其猪而聽經猪主怪其不還行求索見宮欲笞之門下生共禁乃止 **增**華嶠後漢書

曰汝南薛苞字孟聚父後妻嘗憎苞分之出外日夜號泣不能去被毆杖不得已廬于門外旦入灑掃進食父怒逐之又廬于里頭晨昏不廢積歲餘父母慙而還之 **原**皇甫謐高士傳曰世莫知焦先所出或言生漢末無父母兄弟見漢衰乃不言常結草爲廬冬夏袒露垢污如泥後野火燒其廬先因露寢遭大雪先祖卧不移

人以為死就視如故 魏志曰管寧聞公孫度令行于  
海外遂至遼東度虛館以待之既還乃廬于山下時避  
難者多居郡南而寧居北示無遷志 增魏畧曰楊沛  
前後宰歷城守不以私計分意身退家無餘積無他婢  
占河南亭部荒田二頃分牛廬止其中 晉書曰征虜  
將軍石崇河南金谷澗中有別廬冠絕時輩引致賓客  
日以賦詩 唐書曰李建子訥居與宰相楊收接收欲  
市訥居舍以廣第訥叱曰先人舊廬為權貴優笑地邪

廬三

增周聚 國史親衛諸軍虎旅百萬蓋天下武峯之萃  
也即建二帥以護周廬之師 賈山傳曾不

得聚廬而 居 結 孟子五月居廬 李恂為武威太  
托處焉 精 倪若水傳興州縣學廬 財產居山澤結

草為廬 學 精 倪若水傳興州縣學廬 財產居山澤結

穹 莊子仁義父子同穹廬 野 荒 漢志曰廬在野

詩去鄉三十載 草 蓬 諸葛亮出師表曰先帝不以

風雨荒舊廬 草 蓬 諸葛亮出師表曰先帝不以

草廬之中 李德裕詩少 倚 拂 倚廬倚牆至地而

室映川陸鳴 北渚 南山 唐仲長子光隱者也無

蕃聯義帳以居 北渚 南山 唐仲長子光隱者也無

號大小拂廬 北渚 南山 唐仲長子光隱者也無

年 孟浩然詩北關 三顧 千列 見前 諸葛出師表

休上書南山歸蔽廬 陶潛詩結廬在人境而無車馬

千 車馬喧 風雨傾 陶潛詩結廬在人境而無車馬

風雨 愛吾廬 有此屋 陶潛詩結廬在人境而無車馬

舊廬 愛吾廬 有此屋 陶潛詩結廬在人境而無車馬

攜一束書 韓愈示子詩始我來京師止 未忍舍 無

居處部 尚盈頁山卷三十四

所增明皇雜錄魏國夫人恩傾一時謂堂嗣立曰聞此  
盧所宅欲貨其價幾何韋氏諸子降階而言曰先人舊  
室廬惟想所處乃父時故廬無所增飾  
庇風雨蔽  
牀席龍門王通教授于河汾之間累微不起楊素勸之  
饋粥讀書談道足以自樂願明公正以治天下時和歲  
豐通也受賜多矣不求仕也  
陶潛詩曰  
取足蔽  
牀席

廬四

**增**詩陳江總賦得謁帝承明廬詩曰霧開仁壽殿雲繞  
承明廬輪停紺幃引馬度紅塵餘香貂拜鬣袞花綬拂  
元除謁帝升清漢何殊入紫虛 唐岑參虢州送鄭興  
宗弟歸扶風別廬詩曰佐郡已三載豈能長後時出關

少親友賴汝常相隨今日忽言別愴然俱淚垂半生滄  
洲意獨有青山知州縣不敢說雲霄誰敢期因懷東溪  
老最憶南峯緇我為多種藥還山應未遲 又送梁判  
官歸女几舊廬詩曰女几知君憶春雲相逐歸草堂開  
藥裹苔壁取荷衣老竹移時小新花舊處飛可憐真傲  
吏塵事到山稀 孟浩然題荃人園廬詩曰與客園廬  
並微尚頗亦同耕釣方自逸壺觴趣不空門無俗士駕  
人有上皇風何處先賢傳惟稱龐德公 元劉因玉溪  
精廬詩曰居然山四頽危檻俯晴春川氣生不極翠潤  
流衣巾林陰起薄暮酒色生微醺歌聲忽落谷驚歸欲

飛雲

**原碑**後漢張超靈帝河間舊廬碑曰赫赫在上陶唐是承繼德二祖四宗是憑上龜鑑乎義農中結軌乎夏商元首既明股肱惟良乃因舊宇福德所基修飾經構農隙得時樹中天之雙闕崇冠山之華堂通閣間道丹階紫房金窓鬱律玉壁內瑤青蒲充庖朱草棲箱川魚踴躍雲鳥舞翔煌煌大漢合德乾剛體効日月驗化陰陽格于上下震暢八荒三光宣曜四靈効祥天其嘉亨豐年穰穰騶虞奏樂鹿鳴薦觴工祝致告福祿來將永保萬福南山無量

樓

**爾雅**曰俠而修曲曰樓 **說文**曰樓重屋也櫟澤中守竹樓也 **釋名**曰樓言牖戶之間有射孔樓樓然也 **史記**曰仙人好樓居設具而候神人 **墨子**曰城備三十步置坐候樓出堞四尺百步一木樓樓前面九尺二百步一立樓去城中二丈五尺 **淮南子**曰亂之所由生者皆在流道大構架與宮室延樓棧道雞棲井榦櫛木樽櫨以相支持木巧之飾此通于木也 **袁宏羅山疏**曰仰望石樓渺然在雲中 **晉宮闕名**曰總章觀儀鳳樓一所在觀上廣望觀之南又別有翔鳳樓

居處部

月益頁函卷三十四十七

樓

五

又曰洛陽有鳳凰樓慶雲樓何星樓 **原**十洲記曰崑崙山有十二玉樓 瀨鄉記曰老子廟有皇天樓九柱樓靜念樓皆畫仙人雲氣 **增**故宮遺錄曰崇天明分為五總建闕樓其上翼為迴廊低連兩觀旁出為十字角樓 金臺集曰大安殿基今為酒家壽安樓 輟耕錄曰鐘樓又名文樓在鳳儀南鼓樓又名武樓在麟瑞南

樓二

**原**虞氏家記曰吳小城白門樓蓋吳王闔閭所作也至秦始皇守宮史燭鸞窟失火燒宮而此樓故存 **增**吳

越春秋曰范蠡為勾踐立飛翼樓以象天門 **原**莊子曰魏武侯謂徐無鬼曰吾欲愛民而為義偃兵其可乎徐無鬼曰不可愛民害民之始也為義偃兵造兵之本也凡成美惡器君雖為仁義幾且偽哉形固造形成固有伐變固外戰君亦必無盛鶴列于麗樵之間 **注**曰麗樵戰樓也 **名**史記曰方士言于武帝曰黃帝為五城十二樓以候神人帝乃立神明臺并幹樓高五十丈輦道相屬漢書曰武帝時濟南公玉帶上黃帝明堂圖圖中有一殿四面無壁以茅蓋通水圜宮垣為複道上有樓從西南入蓋樓之始也 又曰甘延壽少以良家子善騎射



嘗超踰羽林亭樓由是遷為郎

**增**又曰趙充國為漑

壘木樵校駢不絕

師古注曰樵譙同謂為高樓以望敵也

金華子曰李

景讓為御史大夫貴戚有看街樓閣畏其糾彈皆泥之

**原**

東觀漢記曰上至廣阿止城門樓上披輿地圖指

示鄧禹曰天下郡國如是我乃始得一處卿言天下不

足定何也

**增**

又曰公孫述造十層赤樓蜀志曰劉

元德在陳登席謂許汜曰天下攘攘方且求田問舍吾

當睡百尺樓上睡汝于地下耳豈特上下牀之別

**原**

吳志曰劉基美容姿孫權愛敬之權暑時嘗船中宴樓

上作雷雨權以蓋自覆又命覆基餘人不得也述異

記曰荀瓌字叔偉憩江夏黃鶴樓上望西南有物飄然

降自雲漢乃駕鶴之賓也賓主歡對辭去跨鶴騰空眇

然煙滅幽明錄曰鄴城鳳陽門五層樓去地二十丈

長四十丈廣二十丈安金鳳凰二頭于上一頭飛入漳

河清浪見在水底一頭今猶存世說曰凌雲樓樓觀

極精巧先稱平衆材輕重當宜然後造構乃無錙銖相

負揭臺雖高峻恒隨風搖動魏明帝登臺懼其勢危別

以大材扶持之樓即便頽壞論者謂輕重力偏故也

**增**又曰桓翼征西治江陵城甚麗顧長康曰遙望層城

丹樓如霞水經注曰謝元田居所在右濱長江左傍

連山平陵修通澄湖遠鏡于曲江起樓樓側悉是桐梓  
森聳可愛居民號為桐亭樓樓兩面臨江盡升眺之趣  
蘆人漁子汎濫滿焉 輿地志曰黃鶴山在縣界晉王  
恭為刺史改創西南樓名萬歲西北名芙蓉樓至今存  
焉 又曰宋元嘉二十二年修廣華林園築景陽山始  
造景陽樓 宋書曰紫氣出景陽樓狀如烟薄久之詔  
改景陽為景雲樓 齊書曰陶季直京都記曰宋華林園造  
景雲樓 齊書曰置鐘于景陽樓上令宮人聞鐘聲早  
起妝飾 又曰武帝登烽火樓詔羣臣賦詩蕭穎胄  
詩合旨帝謂穎胄曰宗室便不乏才 又曰齊武帝興

光樓上施青漆世人謂之青樓東昏曰武帝不巧何不  
純用琉璃 梁書曰隱士陶弘景于句曲山築三層樓  
弘景處其上弟子居其中賓客至其下 又曰大同十  
年幸京口城北固樓曰此不足以固守然北望江山實  
為壯觀乃改名北顧 魏書曰虜自佛狸世至萬民世  
增雕飾正殿西築臺謂之白樓樓南又有伺星樓 周  
書曰孫儉為荊州刺史人安其業吏人表請為儉構清  
德樓樹碑刻頌朝議許焉 百官志曰南齊宮城諸却  
敵樓上本施鼓持夜者以應更唱太祖以鼓多驚眠改  
以鐵磬 唐書曰高宗永徽三年御安福門樓觀百戲

謂侍臣曰昨登樓欲觀人情風俗 又曰神龍三年改  
元武門為神武門樓為制勝樓 又曰初潼水銜苑有  
望春樓韋堅于其下鑿為潭以通漕元宗為昇樓詔羣  
臣臨遊賜名廣運潭 讓皇帝傳曰開元二年盡以隆  
慶舊邸為興慶宮而賜寧王薛王于勝業坊申岐二王  
居于興安坊環前宮側天子于宮西南置樓西曰花萼  
相輝之樓南曰勤政務本之樓 會要曰元宗戒諸王  
曰吾奉先帝宮室不敢有加興慶制作所以表休徵之  
地新作南樓本欲採風謠察氓俗是亦闢門達聰之意  
時有游宴不徒然也 又曰清華宮天寶八載新作觀

風樓 又曰貞元十三年戶部尚書裴延齡奉敕修望  
仙樓 舊史曰和元二年詔左神策軍新築夾城置元  
化景輝樓 李德裕傳曰文宗太和中自兵部侍郎為  
劍南西川節度使建籌邊樓樓南道山川險要與蠻相  
入者圖之左西道與吐蕃相接者圖之右其部落眾寡  
饋餉遠邇曲折咸具 寰宇記曰浚儀城西門樓本無  
名唐文宗太和中節度使令狐綯重修因登臨賦詩名  
為望京樓 又舊史曰太和九年詔左右軍各一千五  
百人建紫雲樓 又曰宣宗大中元年修百福殿成名  
曰雍和樓曰親親以會諸王子孫 又曰大中二年敕

修右銀臺門樓屋宇及南面城牆至獻武樓五年詔修明義樓 又曰大中三年既復河湟河隴高年千餘人見闕下天子爲御延喜樓賜冠帶 唐書本傳曰田弘正性忠孝好功名起樓聚書萬卷通春秋左氏與賓屬講論終日 舊唐書曰高駢于府第別建道院有迎仙樓延和閣高八十尺飾以珠璣金鈿侍女數百皆羽衣霓服新聲廣曲擬之鈞天日與呂用之張守一二人授道家法錄談論于其間賓佐罕見其面 南唐書曰唐主于宮中作百尺樓命羣臣觀之衆皆歎美蕭儼曰恨樓下無井耳唐主問其故對曰所以不及景陽樓唐主

怒貶于舒州 又曰木平和尚者南唐保大初徵在闕下常出入禁中他日從上登百尺樓上曰新建此樓制度佳否木平曰尤宜望火上初不喻其旨居數載木平卒淮甸大擾自龍陽置烽候以應龍安山旦夕上多登覽以瞻動靜 成都古今記曰畫紅樓王蜀先主所建綵繪華侈初穎川人華洪隨先主入蜀賜姓名宗侃至是造紅樓城中相率來觀曰看畫紅樓先主以爲應洪之識乃誅之 宋史曰建隆三年重修東京大內崇政殿西北迎陽門內有後苑苑有太清樓走馬樓與延春儀鳳翔鸞相接貯四庫書 又曰太平興國三年享太

廟合祭南郊御丹鳳樓大赦五年作端拱樓 又曰咸平二年建屬籍樓藏宗籍 又曰祥符元年名兗州府門樓曰回鑾覃慶河中府市中樓唐廣明中王重榮誓衆于此名爲克復祥符四年上幸河中曰克復一時事不若因舜都爲號賜名薰風 又曰廣政殿後有玉華樓東有紫雲樓明道元年改曰昇平樓宮中觀宴之所 遼史曰南京北隅有燕角樓 禁扁曰遼以幽州爲南京有五花樓五鳳樓迎丹樓 金史曰世宗大定七年幸東宮敕有司于東宮涼樓前增置殿位 又曰海陵登瑞雲樓納涼命楊伯雄賦詩 又禁扁曰金以幽

州爲中都汴爲南京樓之扁有嘉福嘉瑞丹鳳瑞雲瑞光 又曰大都樓之扁有凝暉延灝驂龍翥鳳 元掖庭記曰順帝秋夜乘船泛月池上起浮橋三處每分三洞洞上結草爲飛樓樓上置女樂 燕都遊覽志曰朝爽樓雙塔寺後呂氏園中樓也 又曰玉泉呂公巖有捲幔樓 又曰米仲詔湛園有飲光樓 改蟲齋雜疏曰綠雨樓陸文裕深舊邸也在正陽宣武二門之間

樓三

井幹 麗樵 並詳樓一 盤龍 儀鳳 鮑昭京洛篇曰鳳樓十二重四戶八 綺窓繡楹金蓮花柱 玉盤龍 下詳樓一 五尋 百尺 洛陽地記曰洛 居處部

陽城內西北角金闕城東北	望氣	候神	蕭方等三
曰張華解天文善望氣元康初嘗與鄴陽雷孔章對曰	其登臺而見一氣起斗牛間華謂孔子新論曰此何氣也對曰	下寶劍乎	下詳樓
下非笑但為小衛樓半城出堞其大臣辟除東宮之事為	是知其將相非蕭曹儔也	張衡西京賦曰神明承曜其特虹之長瞻雲而百層時遊極	于浮柱結重樂以相承曜其特虹之長瞻雲而百層時遊極
樓二下詳	凌雲	樓霞	樓
康王	五層	百丈	樓
去將	弄玉登	綠珠墜	樓
將刑珠乃	臨大道	齊浮雲	樓
氏擊搏	庾公談咏	大路擊搏	樓

飛鳶適墜腐鼠中俠客盡率其屬以滅其家詳俠	共登南樓不覺庾至諸人將起避亮口諸君少	住子于此與復不淺便據胡牀與浩等談咏	仙居
視天纔有一氣即白	彭氏樓	秦氏樓	樓
樓臨道昌行縣彭氏婦女輒升樓而觀昌	乃殺之	齊雲	樓
匡國節度使李茂貞犯關	揚塵	散花	樓
昭宗幸其鎮登齊雲樓	仲宣	樓	樓
以雜寶異香為屑每風作則于樓上揚之	樓	樓	樓
芳塵散花樓在成州常陽縣城樓漢王秀建	樓	樓	樓
焦度	樓	樓	樓
子城上亂依荆州因懷歸登樓作賦	樓	樓	樓
之起兵至夏口度于城樓上辱罵彼之怒攻其城度與	樓	樓	樓

力戰收之與眾蒙櫓將登度投以穢器敵  
不龍眉城賴以全後呼此樓為焦度樓  
仙即荀環事見前高駢造迎仙等樓度高八十尺飾  
鴛鴦 鶴雀 後魏溫子昇揚衣詩鸞嶠寒邊絕雁

勝賞 遠景 吳與白蘋洲有白蘋亭唐貞元中建蓋  
後建樓于側名勝賞遠景樓也宋太守趙君旣新此亭  
在瀋州北塘宋郡守黎錚建樓

擊 應天府東北有穿針樓  
各陳殿陛之間 穿針 擊 應天府東北有穿針樓  
融樓馮介詩座上擊 應天府東北有穿針樓

居妾 文選樓在襄陽府西梁昭明太子蕭統所建聚賢  
陵王有孔樂鮑至等十餘人號高齋集注文選于此  
張建封有愛妓名盼居燕于樓張卒十餘年竟不嫁

多首名燕于樓集 夕陽 春風 陽 縣唐時建 春風

樓在兩山 八咏 萬卷 守沈約建有八咏宋郡守馮  
府更八咏樓 萬卷樓在保定府元首帥賈輔 白

雪 紫雲 唐樓在安陸州臨漢水取宋玉陽春白雪  
天寶時環江有觀謝宮室即詔兩神策軍治 劉琨清

嘯 米芾秋燕 聞之棄城走 無為州所圍登樓清嘯賊  
樓米芾秋燕也稻已獲得兩復抽餘穗芾喜而名樓 望

英 景蘇 號望英樓 伐高麗既破上于苑中樓上望之  
樓之賢摹其遺像及所為詩鐫于石建此 繡楣雕拱

銅瓦 珮楹 威取魏良材為之宋梁周翰五鳳樓賦有  
繡楣雕拱 威取魏良材為之宋梁周翰五鳳樓賦有

繡楣 雕拱 威取魏良材為之宋梁周翰五鳳樓賦有

繡楣 雕拱 威取魏良材為之宋梁周翰五鳳樓賦有

繡楣 雕拱 威取魏良材為之宋梁周翰五鳳樓賦有

繡楣 雕拱 威取魏良材為之宋梁周翰五鳳樓賦有

繡楣 雕拱 威取魏良材為之宋梁周翰五鳳樓賦有

繡楣 雕拱 威取魏良材為之宋梁周翰五鳳樓賦有

激水仰 祈祥 避暑 劉闢以太乙舍于蜀乃造大樓

不可居 思得高樓 避暑 乃遣官苑使王允平營之郭崇

暑坐變 清涼 莊宗 默 宴勞將士 錢別士夫 唐德宗

然竟使 允平 建樓 西郭 關東 上御 望春樓 宴勞之

蓮花樓 在開封 府城 西郭 門外 宋時 大夫 于此 戲別

黃鶴 白雀 世傳 費文 禕乘 黃鶴 過此 隅 黃鶴 磯上

臺北 有 召王 共登 今奴 更直 唐元 宗賜 宋王 成器

宮西 南置 樓西 曰花 夢相 輝之 樓每 召諸 野色 天光

王共 登樓 賦詩 下即 劉開 澤亭 樓前 野色 天光

風帆 沙鳥 州月 波樓 台嘉 興府 西此 城上 宋元 祐中 知

天光 直與 水相 通孤 振建 鄭淵 詩曰 野色 更無 山斷 絕

樓宋 郡守 于禹 備建 自州 府治 西此 城上 有竹 心曠

神怡 雲奔 浪捲 郡重 修岳 陽樓 屬范 仲淹 為記 內有

心曠 神怡 之句 下 碧瓦 朱甍 金窓 珠箔 杜甫 詩

詳蘇 東坡 聚遠 樓詩 望湖 觀風 杭州 府城 西

北起 高樓 碧瓦 朱甍 照城 望湖 觀風 杭州 府城 西

郭下 詳李 白散 花樓 詩此 入漢 望省 晉書

吳越 錢忠 懿王 建津 陽門 詩此 入漢 望省 晉書

時上 御觀 風樓 木光 山影 相參 差入 漢望 省義 熙

八年 于石 頭東 城內 起高 樓加 累入 于香 漢連 環帶 子

積水 署曰 入漢 樓唐 崔日 知歷 職中 外恨 不居 八座

尚書 相望 號後 起一 樓與 芙蓉 海棠 前上 詳輿 地志 見

劍南 西川 節度 使于 成都 建紅 樓白 樓西 陽雜 俎

海棠 樓以 會僚 佐鄭 谷有 詩紅 樓白 樓安 國寺 紅

樓唐 睿宗 在宮 中時 元和中 廣宣 上人 住此 有詩 名紅

郡國 志馬 邑白 樓即 魏納 媿與 女為 后后 悲思 因造 此

樓登 聖飾 以之 樓四

鉛粉 故名 之

規模 雖欲 干雲 制作 亦宜 揆日 雲構 層構

居處 節 相益 負 高 古



崇制 陟降

樓五

**原**詩古詩曰西北有高樓上與浮雲齊交疏結綺窓阿閣三重階 晉張載登成都白菟樓詩曰重樓結曲阿飛宇起層區累棟出雲表寔藥臨太虛高軒啓朱扉迴望暢八隅西瞻岷山嶺差義似荆巫躡鷓蔽地生原隰植嘉蔬雖遇堯湯世民食恒有餘鬱鬱小城中岌岌百族居街術分綺錯高甍夾長衢借問楊子舍想見長卿廬 宋文帝登景陽樓詩曰崇堂臨萬雉層樓跨九成瑤軒籠翠幌組幕翳雲屏階上曉露潔林下夕風清蔓

藻嫒綠葉芳蘭媚紫莖極望周天險留察浹神京交渠紛綺錯列植發華英 江夏王義恭登景陽樓詩曰丹墀設金屏瑤榭陳玉牀溫宮冬開燠清殿夏含霜弱蕊布遐馥輕葉振遠芳彌望渺無際肆睇周華疆象闕對馳道飛廉矚芳塘邱寺送暉曜槐柳自成行通川溢輕艫長街盈方箱顧此爝火微胡顏廁天光 謝靈運又登池上樓詩曰殉祿返窮海卧疴對空林傾耳聆波瀾舉目眺嶮嶽初景革緒風新陽改故陰池塘生春草園柳變鳴禽索居易永久離羣難處心持操豈獨古無悶徵于今 顏延之罷郡還與張湘洲登巴城樓詩曰江

居處部

謝靈運詩卷三十四

樓

漢分楚望衡巫奠南服三湘淪洞庭七澤藹荆牧悽矣  
自遠風傷哉千里目萬古陳往還百代勞起伏 又登  
景陽樓詩曰風觀要春景月樹迎秋光沿波被華若隨  
山茂貞芳 梁武帝登北顧樓詩曰歇駕止行警迴輿  
暫遊識清道巡丘壑緩步肆登陟雁行上差池羊腸轉  
相逼歷覽窮天步曬矚盡地域南城連地險北顧臨水  
側深潭下無底高岸長不測舊嶼石若構新洲花如織  
簡文帝奉和登北顧樓詩曰春陵佳麗地濟水鳳凰  
宮况此徐方域川岳邁周豐皇情愛歷覽遊陟擬控峒  
聊驅式道候無勞襄野童霧崖開早日晴天歇晚虹去

帆入雲裏遙星出海中 又登烽火樓詩曰聳樓排樹  
出却堞帶江清陟峯試遠望鬱鬱盡郊京萬邑王畿曠  
三條綺陌平亘原橫地險孤嶼派流生悠悠歸棹入渺  
渺去帆驚水煙浮岸起遙禽逐霧征 又水中樓影詩  
曰水底罟罟出萍間反宇浮風生色不壞浪去影恒留  
沈約登元暢樓詩曰危峯帶北阜圓鼎出南岑中有  
凌風樹迴望川之陰岸險每增減湍平互淺深水流本  
三派臺高乃四臨上有離羣客客有慕歸心落暉映長  
浦煥景燭中溥雲生嶺乍黑日下溪半陰信美非吾土  
何事不抽簪 庾肩吾和晉安主簿晚逐涼北樓迴望

詩曰向夕紛喧屏追涼飛觀中樹影臨城日窓含度水  
風遙天如接岸遠帆似凌空陪文慙宋玉徒等侍蘭宮  
劉孝綽登雲陽樓詩曰吾上陽臺上非夢高堂客迴  
首望長安千里懷三益顧惟慙入楚殊私等申白西阻  
水潦收昭丘霜露積龍門不可見空慕凌寒柏 王臺  
卿咏水中樓影詩曰飄飄似雲度亭亭如蓋浮孰看波  
不動還是映高樓 陳陰鋹 侯司空登樓望鄉詩曰  
懷土臨霞觀思歸想石門瞻雲望鳥道對柳憶家園寒  
田獲裏靜野日燒中昏信美今何益傷心自有源 江  
總秋日登廣州城南樓詩曰秋城韻晚笛危榭引清風

遠氣疑埋劍驚禽似避弓海樹一邊出山雲四面通野  
火初煙細新月半輪空塞外離羣鳥顏鬢早如蓬徒懷  
建業水復想洛陽宮不及孤飛雁獨在上林中 唐  
太宗初春登樓即日詩曰憑軒俯蘭閣眺矚散靈襟綺  
峯含翠霧照日蕊紅林鏤丹霞錦岫殘素雪斑岑拂浪  
堤垂柳嬌花鳥續吟連蕙豈一拱衆榦如千尋明非獨  
才力終藉棟梁深彌懷矜樂志更懼戒盈心懷制勞居  
逸方規十產金 又春日登陝州城樓詩曰碧原開霧  
隰綺巔峻霞城煙峯高下翠日浪淺深明斑紅袞蕊樹  
圓青壓溜荆踪巖勞傅想窺野訪莘情巨川何以濟舟

檝佇時英 元宗登蒲州逍遙樓詩曰長榆息烽火高  
柳淨風塵北征巡九洛展豫出三秦昔是潛龍地今爲  
上里晨時平承道泰聊賞過年春黃河分地絡飛觀接  
天津一覽遺芳翰千載肅如神 又夏首花萼樓觀羣  
臣宴寧王山亭迴樓下詩曰今年通閏月入夏展春輝  
樓上風花媚城隅賞宴歸九歌揚政要六舞散朝衣天  
喜時相合人和事不違禮中推意厚樂處感心微別賞  
陽臺樂前旬暮雨飛 張說奉和花萼樓下宴羣臣應  
制詩曰萬心翹樂宴三舍緩昌時山接夏雲險臺留春  
日遲節移芳未歇興隔賞仍追醉後傳嘉惠樓前舞聖

慈皇恩與時合天意若人期故廢前旬雨新垂湛露詩  
孫逖奉和御製鴛鴦樓應制詩曰玉輦下離宮瓊樓  
上半空方巡五年狩更闢四門聰井邑觀秦野山河念  
禹功停鑾留睿作軒檻起南風 王維奉和聖製御春  
明樓應制詩曰複道通長樂青門臨上路遙聞鳳吹喧  
閭識龍輿度褰旒明四目伏檻紆三顧小苑接侯家飛  
甍映宮樹商山原上碧滄水林端素銀漢下天章瓊筵  
承湛露將非富人寵信以平戎故從來簡帝心詎得廻  
天步 又登河北城樓詩曰井邑傳巖上客亭雲霧間  
高城眺落日極浦映蒼山岸火孤舟宿漁家夕鳥還寂

寥天地暮心與廣川閒 孟浩然登萬歲樓詩曰萬歲  
樓頭望故鄉獨憐鄉思正茫茫天寒雁度堪垂淚月落  
烏啼欲斷腸曲引古隄臨凍浦斜分遠岸近枯楊今朝  
偶見同袍友却喜家書寄一行 祖詠泗上馮使君南  
樓詩曰井邑連淮泗南樓向晚過望灘沙鷺起尋岸浴  
童歌近海雲偏出兼秋雨更多明晨擬回棹鄉思恨風  
波 杜甫登岳陽樓望洞庭詩曰昔聞洞庭水今上岳  
陽樓吳楚東南坼乾坤日夜浮親朋無一字老病有孤  
舟戎馬關山北憑軒涕泗流 又登兗州城樓詩曰東  
鄰趨庭日南樓縱目初浮雲連海岱平野入青徐孤嶂

秦碑在荒城魯殿餘從來多古意臨眺獨躊躇 李白  
與夏十二登岳陽樓詩曰樓觀岳陽近川迴洞庭開雁  
別秋江去山銜好月來雲間逢下榻天上接行杯醉後  
涼風起吹人舞袖回 又登錦城散花樓詩曰日照錦  
城頭朝光散花樓金窓夾繡戶珠箔懸瓊鉤飛梯綠雲  
中極目散我愁暮雨向三峽春江繞雙流今來一登望  
如上九天遊 崔顥題潼關樓詩曰客行逢雨霽歇馬  
上津樓山勢雄三輔關門扼九州川從峽路去河遶華  
陰流向晚登臨處風煙萬里愁 又題沈侯八詠樓詩  
曰梁日東陽守爲樓望越中綠窓明月在青史古人空

江靜聞山欲川長數塞鴻登樓白雲晚流恨此遺風  
又登黃鶴樓詩曰昔人已乘黃鶴去此地空餘黃鶴樓  
黃鶴一去不復返白雲千載空悠悠晴川歷歷漢陽樹  
芳草淒淒鸚鵡洲日暮鄉關何處是煙波江上使人愁  
王昌齡萬歲樓詩曰江上巍巍萬歲樓不知經歷幾  
千秋年年喜見山長在日日悲看水獨流猿狄何曾離  
暮嶺鷓鴣空自泛寒洲誰堪登望烟雲裏向晚茫茫發  
旅愁 皇甫冉同溫司徒登萬歲樓詩曰高樓獨上思  
依依極浦遙山涵翠微江客不堪頻北望塞鴻何事獨  
南飛維揚古渡寒煙積瓜步空洲遠樹稀聞道王師猶

轉戰誰能談笑解重圍 張璠登鶴雀樓詩曰迴臨飛  
鳥上高謝世人間天勢圖平野河流入斷山 王之渙  
登鶴雀樓詩曰白日依山盡黃河入海流欲窮千里目  
更上一層樓 李嘉祐晚登江樓有懷詩曰獨坐南樓  
佳興新青山綠水共爲鄰爽氣遙分隔浦岫斜光偏照  
渡江人心閒鷗鳥時相近事簡漁竿私自親祇憶帝京  
不可到秋琴一弄欲沾巾 盧綸奉陪渾侍郎五日登  
白鶴樓詩曰高樓倚玉梯朱檻與雲齊顧盼臨霄漢談  
諧息鼓鼙洪河斜更直野雨急仍低今日陪樽俎還應  
醉似泥 劉長卿九日題蔡國公主樓詩曰王第何人

在重陽客暫尋水餘龍鏡色雲罷鳳簫音暗牖藏昏旦  
蒼苔換古今晴山捲幔出秋草閉門深籬菊仍新吐庭  
槐尚舊陰年年畫梁燕來去獨無心 崔峒登潤州芙蓉樓詩曰  
上古人何在東流水不歸往來潮有信朝暮  
事成非烟樹臨沙靜雲帆入海稀郡樓多逸興良牧謝  
元暉 李益同崔邠登鶴雀樓詩曰鶴雀樓西百尺檣  
汀洲雲樹共茫茫漢家簫鼓空流水魏國山河半夕陽  
事去千年猶恨速愁來一日即爲長風烟並起思鄉望  
遠目非春亦自傷 張籍登咸陽北寺樓詩曰高秋原  
上寺下馬一登臨渭水西來直秦山南向深舊宮人不

見荒碣路難尋日暮涼風起蕭條多遠心 白居易廢  
樓曉望詩曰獨凭朱檻立凌晨山色初明水色新竹霧  
曉籠銜嶺月蘋風暖送過江春子城陰處猶殘雪衙鼓  
聲前未有塵三百年來庾樓上曾經多少望鄉人 又  
題岳陽樓詩曰岳陽樓下水漫漫獨上危樓凭曲欄春  
岸綠時連夢澤夕陽紅處近長安猿攀樹立啼何苦雁  
點湖飛渡亦難此地惟堪圖畫障華堂張與貴人看  
李商隱夕陽樓詩曰花明柳暗繞天愁上盡重城更上  
樓欲問歸鴻何處去不知身世自悠悠 宋況志寧春  
風樓詩曰晴日遊絲拂畫欄酒帘輕颺碧雲端春風蝴

居處部

詩鑑類編卷三十四

樓

三

漢書卷三十四  
三  
蜨知何處愁切江東曲已殘 李易八詠樓詩曰千古  
風流八詠樓江山留與後人愁水通南國三千里氣壓  
江城十四州 蘇軾聚遠樓詩曰無限青山散不收雲  
奔浪捲入簾鉤直將眼力爲疆界何啻人間萬戶侯  
又曰聞說樓居似地仙不知門外有塵寰幽人隱几寂  
無語心在飛鴻滅沒間 又李公擇求黃鶴樓詩因記  
舊所聞于馮當世者詩曰黃鶴樓前月滿川抱關飢卒  
老不眠夜聞三人笑語言羽衣著屐響空山非鬼非人  
意其仙石扉三扣聲清圓洞中鏗鏘落門關縹緲入室  
如飛烟雞鳴月落風馭還迎拜稽首願執鞭汝非其人

骨腥膾黃金乞得重莫肩持歸包裹弊席擅夜穿茅屋  
光射天里閭來觀已變遷似石非石鈇非鈇或取而有  
衆忿喧訟歸有司今幾年無功暴得喜欲顛神人戲汝  
真可憐願君與考然不然此語可信馮公傳 元元好  
問鄧州城樓詩曰鄧州城下湍水流鄧州城隅多古丘  
隆中布衣不復見浮雲西北空悠悠長鯨駕空海波立  
老鶴叫月蒼煙愁自古江山感遊子今人誰解賦登樓  
趙孟頫魚樂樓詩曰樓下南來水清冷百尺深菰蒲  
終夜響楊柳半溪陰日月馳人世江湖動客心向來歌  
舞宴達曉看橫參 又八詠樓詩曰山城秋色淨朝暉



極目登臨未擬歸羽士曾聞遼鶴語  
征人又見塞鴻飛  
西流二水玻璃合南去千峯紫翠圍  
如此山川良不惡  
休文何事不勝衣 楊載題豐樂樓詩曰崢嶸飛構壓  
名邦西望平湖東望江氣合重元蒙  
沉淫標存九域奠  
洪龐朝來散霧縈未拱夜後流星透碧窓  
倚徧闌干愁  
目眩飛鳶旋轉故雙雙 薩都刺層樓晚眺詩曰廣寒  
世界夜迢迢醉拍闌干酒易消河漢入樓天不夜江風  
吹月夜初潮光搖翠幕金蓮炬夢斷涼雲碧玉簫  
休唱  
當時後庭曲六朝宮殿草蕭蕭 明王逢登悠然樓詩  
曰百尺飛樓俯碧湍六峯秀色遶闌干  
杏花  
落盡東風

惡燕子歸來社雨寒夢裏香烟生繡幌酒醒紅蠟膩銅  
盤一春樂意朝來好千里家書席上看 楊維禎多景  
樓詩曰極目心情獨倚樓荻花楓葉滿江秋地雄吳楚  
東南會水接荆揚上下流鐵甕百年春雨夢銅駝萬里  
夕陽愁西風歷歷來征雁又帶邊聲過石頭 又丹鳳  
樓詩曰十二危樓百尺梯飛飛丹鳳五雲齊天垂翠蓋  
東皇近地拂銀河北斗低花靨秋空戎馬順神燈夜燭  
海雞啼仙童與報麻姑會應說蓬萊水又西 高啓寄  
題安慶城樓詩曰層構初成百戰終憑高應喜楚氛空  
山隨粉堞連雲起江引清淮與海通遠客帆檣秋水外

居處部

明倫彙編

樓

三

殘兵鼓角夕陽中時清莫問英雄事回首長烟滅去鴻  
又齊雲樓詩曰境臨烟樹萬家迷勢壓樓臺衆寺低  
斗柄正垂高棟北山形都聚曲欄西半空曾落佳人唱  
千載猶傳醉守題劫火重經化平地野鳥飛上女垣啼  
揚墓岳陽樓詩曰春色醉巴陵闌干落洞庭水吞三  
楚白山接九疑青空濶魚龍舞娉婷帝子靈何人吹夜  
笛風急雨冥冥

**原賦**魏王粲登樓賦曰登斯樓以四望聊暇日以銷憂  
覽斯宇之所處實顯敞而寡仇挾清漳之通浦倚曲沮  
之長洲北彌陶牧西接昭丘雖信美而非吾土曾何足

以少留憑軒檻以遙望向北風而開襟平原遠而極目  
蔽荆山之高岑路逶迤而修迴川旣漾而濟深昔尼父  
之在陳有歸與之歎音鍾儀幽而楚奏莊鳥顯而越吟  
人情同于樂土豈窮達之異心惟日月之逾邁俟河清  
其未極冀王道之一平假高衢而騁力步樓遲而徙倚  
白日忽其西匿風蕭瑟而並興天慘慘而無色獸左顧  
以求羣鳥相鳴而鼓翼原野闐其無人征夫行而未息  
循階除而下降氣交憤于胸臆夜參半而不寐悵盤桓  
以反側 晉孫楚登樓賦曰有都城之百雉加層樓之  
五尋從明王之登遊聊暇日以娛心鳴鳩拂羽于桑榆

游鳧濯翅于素波牧豎吟嘯于行陌舟人鼓柁而揚歌  
百僚雲集促坐華臺嘉肴滿俎旨酒盈杯談三墳而咏  
五典釋聖哲之所裁 棗據登樓賦曰懷離客之遠思  
情慘憺而惆悵登茲樓以逍遙聊因高以遐望感斯州  
之厥域實帝王之舊疆挹滹沱之濁河懷通川之清漳  
原隰開闢蕩臻夷藪桑麻被野黍稷盈畝禮義旣度民  
繁財阜懷桑梓之舊愛信古今之同情鍾儀慘而南音  
莊鳥感而越聲豈吾人之狹隘能去心而無營情戚戚  
于下國意乾乾于上京 郭璞登百尺樓賦曰在青陽  
之季月登百尺以高觀嘉斯遊之可娛乃老氏之所歎

撫凌檻以遙想乃極目而肆運情眇然以思遠悵自失  
而潛愴瞻禹臺之隆崛奇巫咸之孤峙美鹽池之滉汗  
蒸紫氛而霞起異傅巖之幽人神介山之伯子挹首陽  
之二老招鬼谷之隱士嗟王室之蠢蠢方構怨而極武  
哀神器之遷浪指綴旒以譬主雄戟列于廊屐戎馬鳴  
乎講柱寤茗華而增怪歎飛駟之過戶陟茲樓以曠眺  
情慨爾而懷古

**原銘**宋鮑昭凌煙樓銘曰瞰江列檻望景延除積清風  
路含彩烟途俯窺淮海仰眺荆吳我王結駕藻思神居  
宜此萬春修靈所扶

增記唐閣伯里黃鶴樓記曰州城西南隅有黃鶴樓者  
圖經云費禕登仙嘗駕黃鶴返憩于此遂以名樓事列  
神仙之傳迹存迹異之志觀其聳構巍峩高標龍從上  
倚河漢下臨江流重簷翼館四闥霞敞坐窺井陌俯拍  
雲烟亦荆吳形勢之最也何必瀨鄉九柱東陽八咏乃  
可賞觀時物會集靈仙也哉 李德裕懷崧樓記曰此  
地舊施曲軒旁隱埤坵竹樹陰合簷楹晝昏喧雀所依  
涼飈罕至余盡去危堞敞為虛樓剪榛木而始見前山  
際密篠而近對佳樹延清輝于月幌留愛景于寒甍晨  
憩宵遊皆有殊意周視原野永懷崧峯肇此佳名且符

夙尚庶庾公不淺之意寫仲宣極望之心 宋王禹偁  
黃州竹樓記曰黃岡之地多竹大者如椽竹工破之用  
代陶瓦比屋皆然以其價廉而工省也予城西北隅雉  
堞圯毀葺莽荒穢因作小樓二間與月波樓通遠吞山  
光平挹江瀨幽聞遶夏不可具狀夏宜急雨有瀑布聲  
冬宜密雪有碎玉聲宜鼓琴琴調和暢宜詠詩詩韻清  
絕宜圍碁子聲丁丁然宜投壺矢聲錚錚然皆竹樓之  
所助也 范仲淹岳陽樓記曰予觀夫巴陵勝狀在洞  
庭一湖銜遠山吞長江浩浩湯湯橫無際涯朝暉夕陰  
氣象萬千此則岳陽樓之大觀也若夫春和景明波瀾

不驚上下天光一碧萬頃沙鷗翔集錦鱗游泳岸芷汀  
蘭郁郁青青而或長烟一空皓月千里浮光耀金靜影  
沈璧漁歌互答此樂何極登斯樓也則有心曠神怡寵  
辱皆忘把酒臨風其喜洋洋者矣 蘇軾遠景樓記曰  
嗟夫軾之去鄉久矣所謂遠景樓者雖想見其處而不  
能道其詳矣然州人之所以樂斯樓之成而欲記焉者  
豈非上有易事之長而下有易治之俗也哉若夫登臨  
覽觀之樂山川風俗之美軾將歸老于故丘布衣幅巾  
從邦君遊于上酒酣樂作援筆而賦之以頌黎侯之遺  
愛尚未晚也 明宋濂閱江樓記曰登覽之頃萬象森

列千載之秘一朝軒露豈非天造地設以俟大一統之  
君而開千萬世之偉觀者歟當風日清美法駕幸臨升  
其崇椒憑闌遙矚必悠然而動遐思臣知斯樓之建皇  
上所以發舒精神因物興感無不寓其致治之思豈止  
閱夫長江而已哉

閣一

**閣**廣雅曰棧閣也 禮記內則曰大夫七十而有閣天  
子之閣左達五右達五 周書曰明堂咸有四阿然則  
閣有四阿謂之阿閣 唐書曰秘書省中外三閣掌典  
圖書古今文字皆在禁中兩漢或徙金馬門外歷代不

居處部

增廣類編卷三百四十七

閣

三

常其處 宋史曰龍圖閣在含光殿西偏北連禁中閣  
上藏太宗御製御書并文集其下列六閣曰經典閣史  
傳閣子書閣文集閣天文閣圖書閣 尹子曰秦山中  
有神房阿閣 三輔黃圖曰未央宮有白虎閣為車閣  
洛陽宮殿簿曰高平觀南行至清覽觀高閣二十四  
間修齡觀南行至臨商觀高閣五十五間太極殿前南  
行作閣三百二十八間南上總章高閣十三間東望凌  
臺閣十一間永寧宮連閣二百八十六間連閣上下數  
見親觀差閣九間 洛陽地記曰雲臺高閣十四間乘  
風觀閣十二間 丹陽記曰漢魏殿觀多以複道相通

故洛宮之閣七百餘間 東京記曰紫微宮有臨渡閣  
闔闔閣 禁扁曰大都宮閣之扁有芳碧廣寒玉虹瀛  
洲金露方壺大內後宮有延春徽儀延華奎章 元掖  
庭記曰大內有延涼之所曰清林閣又有眺遠閣 春  
明夢餘錄曰皇極門內東曰文昭閣西曰武成閣乾清  
宮有東暖閣西暖閣乾清宮後有隆道閣原名道心閣  
即皇極閣坤寧宮後有清望閣 宮殿額名曰南城內  
有清和閣澄輝閣 桂洲集曰北宮有無上閣

閣二

增春秋緯曰黃帝坐于阿閣鳳凰銜書致帝前其中得

五始之文 毛爽曰黃帝聽鳳于阿閣之下始造十二律 戰國策曰田單棧道木閣以迎襄王及后于城陽山反之國 三輔舊事曰秦二世欲起凌雲閣與南山齊 漢宮殿疏曰天祿閣麒麟閣蕭何造以藏秘書畫賢臣凌雲閣秦二世造 蘇武傳曰宣帝甘露三年單于始入朝上思股肱之美乃圖霍光等至蘇武凡十一人于麒麟閣明著中興輔佐列于方叔召虎仲山甫焉 楊惲傳曰楊惲觀西閣上畫人指桀紂畫謂昌樂侯王武曰天子過此一二問其過可以得師矣 隋經籍志曰魏採掇遺亡藏秘書中外三閣 唐書曰太極

宮中有凌煙閣在凝陰殿內功臣閣在凌烟閣南頡利既平置酒于此 太宗紀曰貞觀十七年圖功臣于凌煙閣 百官志曰光宅二年改中書為鳳閣令為內史 代宗紀曰廣德元年給功臣鐵券藏名于太廟圖形于凌煙閣 又曰代宗平河北時德宗為兵馬元帥與功臣郭子儀李光弼等皆賜鐵券圖形于凌煙閣廣德初又圖廣寧郡王僕固懷恩 李絳傳曰大中初詔史官差第元和將相續圖凌煙閣絳在焉 五代史曰宰相柳璨奏西京舊有凌煙閣圖畫國初功臣今遷幸東都比末崇建四鎮副元帥梁王勲業冠古請近凌煙閣

居處部 閣

別創一閣圖畫梁王以旌德業詔曰魏賞彭陽之功別  
創紀勲之觀齊旌泗水之績乃崇嘉德之樓式從新規  
爰從舊典宜令所司于皇城擇善地別造凌煙閣圖寫  
賜名曰天祐施功之閣 玉海曰淳化二年詔增修秘  
閣先是度崇文院之中堂爲秘閣基址而層宇未立書  
籍止扁偏廳廡內至是始命修之八月閣成上作新秘  
閣贊以賜近臣宰相李昉等請立石閣下李至上表引  
蘇易簡乞上飛白書玉堂之署爲比願賜新額以光秘  
府戊辰詔近臣觀新秘書賜上尊酒大官供膳遣中使  
賚飛白書秘閣二字以賜李至三館咸預焉又賜御書

以美其事 又曰祥符初建龍圖閣以藏太宗御書  
又曰寶元元年作舍人院閣上親篆其榜曰紫微閣以  
賜之 又曰寶元元年改萬春閣爲延春閣閣在禁中  
北臨後苑遊幸之所經也 又曰至和二年以五臺山  
真容院新修太宗真宗御書閣爲寶章閣 又曰嘉祐  
七年幸寶文閣帝親爲飛白書賜從臣御製觀書近臣  
皆屬和學士王珪撰詩序刊石寶文閣 又曰熙寧二  
年令中書樞密院開使門通天章閣欲與兩府坐而論  
道也 又曰元符四年詔建閣藏神宗御集名顯謨建  
中靖國元年詔以顯謨閣爲熙昭閣置學士直學士待



制尋復舊名 又曰大觀二年建括宗御書閣詔以徽猷為名 又曰大觀二年詔諸路州學藏書閣賜名稽古 又曰紹興十年建閣藏徽宗聖製詔以敷文為名 又曰淳熙十五年建閣藏高宗聖製詔以煥章為名 又曰淳熙中詔建石經閣于國子監上親題額 又曰嘉泰中建寶謨閣藏光宗聖製 又曰寶慶中建閣藏寧宗聖製詔以寶章為名 又曰端平中樞密院北奉安經武要畧御書經武之閣四大字 又曰太宗正司故與開元宮為鄰紹定四年灾寓睦親宅五年詔以天慶坊魏王府舊址為之端平元年成上書屬籍之閣

四大字以寵靈之 遼史曰遼以幽州為南京有乾文閣 禁扁曰金以幽州為中都汴為南京閣之扁有芳華景福燕昌光昭清徽翠微蓬萊瓊華 戴司成集曰玉泉山有芙蓉閣金章宗避暑處 元史曰文宗建奎章閣蒐羅中外才俊置其中 又曰至正元年改奎章閣為宣文閣時周伯琦為宗文閣授經郎教戚里大臣子弟每進講輒稱旨日備顧問帝以伯琦工書法命篆宣文寶閣仍題扁宣文閣及摹王羲之所書蘭亭序智永所書千字文刻石閣中 輟耕錄曰奎章閣隸東宮屬宮後文宗復位乃陞為奎章閣學士院置大學士五

負兼知經筵事侍書學士二負承置學士二負供奉學士二負并兼經筵 春明夢餘錄曰大學士直舍所謂內閣也在午門內東南隅外門西向閣南向入門一小坊上懸聖諭過坊即閣也永樂初開內閣于東角門簡解縉黃淮楊士奇胡廣楊榮金幼孜胡文儼入直文淵閣辦事蓋宣德以前內閣與外九卿為平交至宣德後三楊眷重漸柄朝政英宗九歲登極凡事啓太后太后不欲專多令內閣議行此內閣票旨所由始也 世宗實錄曰嘉靖二十六年圓明閣工成

閣三

**原** 燃黎杖 藏秘書 劉向校書天祿閣有黃衣老人植曰我太乙之精出竹牒天文地理之書悉以授之 輔黃圖曰石渠蕭何所造以藏入關所得秦之圖書成 帝以藏秘書 投楊子 圖功臣 校書于天祿閣上治獄使 惟實自投于閣 漢于麟閣上圖畫功臣 阿閣 鳳巢 延閣書府 漢書府有延閣內庫書也賦云結陽城之延閣飛 肅天居 凌雲陛 古詩層閣肅天居 觀榭乎雲中 飛鳳 唐工部丹鳳門外中正殿曰含 陸凌 翔鸞 飛鳳 殿 夾殿二閣左曰翔鸞右曰 飛鳳 王勃作序 陳瓘讀書 大宴滕王閣命其婿宿構 序文將誇賓客出紙筆備請勃在坐任之不辭都督怒 起更衣遣吏伺其文一再報語益奇 歎曰此天才也 潛山縣北有擢秀閣宋陳瓘嘗讀書 于此後擢第黃庭堅因以名其閣 居處部



景雲賜宴

秦瓊傳十七年詔司徒趙國公長孫無忌

大封元年詔求李峴等三十七人畫像續圖凌煙閣

華協堯章

文光舜哲

詔曰華協堯章之煥文光舜

哲之明恭以

華文為閣名

閣四

源

連閣

飛閣

階三重

茵閣

作三閣

陳後

芸閣

劍閣

階三重

作三閣

陳後

臨春結綺望春三閣以沈檀香木為之臨春後  
塗飛閣道綺固西都賦曰周廡千列綴閣道張衡西京  
與明光徑北通乎桂宮蘭閣文子蘭閣覽羣言于石

渠

紫閣

曲閣

綵閣

上林賦曰

延閣

延閣

延閣

延閣

延閣

延閣

延閣

飛閣

飛閣

飛閣

飛閣

飛閣

飛閣

飛閣

閣五

詩周庾信登州中新閣詩曰跨虛凌倒景連雲拒少

陽璇極龍鱗上雕鸞鵬翅張千尋文杏照十里木蘭香

開窓對高掌平坐望河梁歌響聞長樂鐘聲徹建章賦

用王延壽書須韋仲將龍來隨畫壁鳳起逐吹簧石作

芙蓉影池如明鏡光花梁反披葉蓮井倒垂房徒然思

燕賀無以預鷗翔又登宇文內史重陽閣詩曰北原

居處部

閣

閣

閣

風雨散南宮容衛疎待詔還金馬儒林歸石渠徒懸仁  
壽境空聚茂陵書竹淚垂秋筍蓮衣落夏葉顧成始移  
廟陽陵正徙居舊蘭憔悴長殘花爛熳舒別有昭陽殿  
長悲故婕妤 唐太宗三層閣上置音詩曰綺筵移暮  
景紫閣引宵煙隔棟歌塵合分階舞影連聲流三處管  
響亂一重絃不似秦樓上吹簫空學仙 宋之問登鳳  
林寺山閣詩曰香閣臨青漢丹梯隱翠微林篁天際密  
人世谷中違苔石銜仙洞蓮舟泊釣磯山雲浮棟起江  
雨入庭飛信美隨南國嚴程限北歸幽情不可再留步  
惜芳菲 張九齡晚憩王少府東閣詩曰披軒肆流覽

雲容見深重空水秋彌靜林煙晚更濃座隅分洞浦澹  
際列羣峯窈窕生幽意參差多異容還慙大隱跡空想  
列仙蹤賴此昇攀處蕭條得所從 王勃秋日宴滕王  
閣詩曰滕王高閣臨江渚珮玉鳴鑾罷歌舞畫棟朝飛  
南浦雲珠簾暮捲西山雨閒雲潭影日悠悠物換星移  
幾度秋閣中帝子今何在檻外長江空自流 杜甫草  
閣詩曰草閣臨無地柴扉永不關魚龍迴夜水星月動  
秋山久露晴初濕高雲薄未還泛舟慙小婦飄泊損紅  
顏 又西閣雨望詩曰樓雨霏雲幔山寒著水城徑添  
沙面出湍減石稜生菊蕊淒初放松林駐遠情滂沱朱

檻濕萬慮倚檐楹 嚴維晚霽登王六東閣詩曰試上  
江樓望初逢山雨晴連空青嶂合向晚白雲生俊美要  
殊觀蕭條見遠情情來不可極日暮水流清賈彥璋  
宿山閣詩曰暝望香山閣梯雲宿半空軒窗開潮海枕  
席拂煙虹朱網防棲鶴紗燈護夕蟲一聞雞唱曉已見  
日曛曛 宗楚客奉和人日清暉閣宴羣臣遇雪應制  
詩曰窈窕神仙客參差雲漢間九重中禁啓七日早春  
還太液天爲水蓬萊雪作山今朝上林樹無處不堪攀  
劉公興望凌烟閣詩曰畫閣凌虛構遙瞻在九天丹  
楹崇壯麗素壁會勳賢藹藹浮元氣亭亭出瑞煙近看

分百辟遠揖接羣仙圖畫青霄外儀形紫禁前望中空  
霽景驤首幾留連 白居易登天宮閣詩曰午時乘興  
出薄暮未能還高上煙中閣平看雪後山委形羣動裏  
任性一生間洛下多間客其中我最閒 杜牧題宣州  
開元寺水閣詩曰六朝文物草連空天澹雲閒今古同  
鳥去鳥來山色裏人歌人哭水聲中深秋簾幕千家雨  
落日樓臺一笛風惆悵無因見范蠡參差煙樹五湖東  
李羣玉湖閣詩曰楚色籠秋草秋光洗洞庭夕霏生  
水寺初月落雲汀棹響來空闊漁歌去杳冥欲浮欄下  
艇一到斗牛星 曹松滕王閣春日晚眺詩曰凌春帝

子閣偶眺日移西浪勢平花塢帆陰上柳隄凝嵐藏宿  
翼壘鼓碎歸蹄只此長吟咏因高思不迷 宋趙抃蓬  
萊閣詩曰山巔危構此蓬萊水濶風長亦快哉天地涵  
容百川入晨昏浮動兩潮來 鄭獬四照閣詩曰湖山  
天下之絕境羣山繞湖千百里碧筍四插明鏡圓此閣  
正在明鏡裏 元虞集滕王閣詩曰城頭高閣插蒼茫  
百尺闌干背夕陽秋雨魚龍非故物春風蛟蜃是何王  
帆檣急急來彭蠡車蓋童童出豫章燈火夜歸湖上路  
隔籬呼酒說干將 明袁凱登浦上閣詩曰高閣春波  
上登臨獨愴然故鄉從此別久客未言還花好誰家屋

帆輕何郡船朝來有微雨應灑郭西田 高啓登白蓮  
閣對雨詩曰遠愁高樹共離離風送潮聲上浦遲海客  
市中烟起處江僧閣下雨來時船歸杳靄惟聞櫂店隱  
蒼茫不見旗回首南朝今幾改可堪重咏牧之詩 又  
涵空閣詩曰滾滾波濤漠漠天曲闌高棟此山巔置身  
直在浮雲上縱目長過去鳥前數杵秋聲荒苑樹一帆  
暝色太湖船老僧不識興亡恨只向遊人說往年  
**增賦**唐錢起朝元閣賦曰上將恢帝宇壯神臯斷景山  
之松用而有節感子來之衆役不告勞成仙閣之弘敞  
配紫極之崇高先是徵規模宏大壯經始聖迹責成梓

匠當桂戶而八水悠遠植玉階而千巖相抗升陽烏于  
赤霄之表棲玉兔于翠微之上可以吞貝闕壓崑閬盛  
矣哉亦神明之化也 孫翊仁朝元閣賦曰彼朝元之  
爲狀厥高因于崑嶂岌彙兮初謂踊于山巔崔嵬兮又  
謂居于天上崇崇之勢博敞宏壯斜窺渭北笑玉樹而  
徒空俯對終南與金闕而相抗迥出象外信非人間陽  
烏乍轉以迴翼翔鷗不逮而空還七聖同遊罷還襄野  
萬國以會自是塗山

**增序**唐王勃滕王閣序曰時維九月序屬三秋潦水盡  
而寒潭清煙光凝而暮山紫儼驂駢于上路訪風景于

崇阿臨帝子之長洲得仙人之舊館層巒聳翠上出重  
霄飛閣流丹下臨無地鶴汀鳧渚窮島嶼之縈迴桂殿  
蘭宮列岡巒之體勢披繡闥俯雕甍山原曠其盈視川  
澤盱其駭矚閭闔撲地鐘鳴鼎食之家舸艦迷津青雀  
黃龍之軸虹消雨霽彩徹雲衢落霞與孤鶩齊飛秋水  
共長天一色漁舟唱晚響窮彭蠡之濱雁陣驚寒聲斷  
衡陽之浦

**增記**唐元結茅閣記曰巳巳中平昌孟公鎮湖南將二  
歲矣時與賓客嘗欲因高引望以抒遠懷偶愛古木數  
株垂覆城下遂作茅閣蔭其清陰長風寥寥入我軒楹



扇和爽氣滿于閣中世傳衡陽暑濕鬱蒸休息于此何  
為不然今天下之人正苦大熱誰似茅閣陰而寐之  
韓愈新修滕王閣記曰歲九月人吏浹和公與監軍使  
燕于此閣文武賓士皆與在席酒半合辭言曰此屋不  
修且壞前公為從事此邦適理新之公所為文實書在  
壁今三十年而公來為邦伯適及期月公又來燕于此  
公烏得無情哉公應曰諾于是棟楹榑桷板檻之腐黑  
撓折者蓋瓦級甃之破缺者赤白之漫漶不鮮者治之  
則已無侈前人無廢後觀工既訖功公以衆飲而以書  
命愈乃不辭而承公命 宋王安石芝閣記曰太丘陳  
何以異哉

君學文而好奇芝生于庭能識其為芝惜其可獻而莫  
售也故閣于其居之東偏掇取而藏之蓋其好奇如此  
噫芝一也或貴于天子或貴于士或辱于凡民夫豈不  
以時哉士之有道固不役志于貴賤而卒所以貴賤者  
何以異哉

淵鑑類函卷三百四十七

淵鑑類函卷三百四十八

居處部九

解署 閭里

解署一

**增**山堂肆考曰周禮以八法治官府釋之者曰百官所居曰府此則官解之說也左傳疏曰自漢以來三公所居謂之府九卿所居謂之寺宋史曰元豐初建東西二府于右掖門之前每府相對謂之八位續世說曰近代通謂府廷為公衙即古之公朝也天子御正朝名曰正衙王沂公上契丹事曰燕京南門外有越王解為宴集之所石林燕語曰國初京師職事皆無公

居處部

淵鑑類函卷三百四十八

解署

解雖宰相執政亦儼舍而居每遇出省或有中批外奏  
急速文字則省吏徧持私第呈押既覺稽遲又多泄漏  
瑣綴錄曰翰林直房在右闕門內錦衣衛直房之次  
凡三間每早朝時諸閣老分坐北楹諸學士居中楹其  
餘居南楹俟門吏報三鼓乃俱赴左掖門國史唯疑  
曰端門左有直房五間係坊局官候朝公會及收貯卷  
箱之所又曰凡係東宮官屬侍班講讀亦于此伺候

解署二

**增**漢書曰何並性清廉為潁川太守妻子不至官舍  
水經注曰光武建武二年西河鮮于冀為清河太守作

公解未就而亡後守趙高計功用二百萬五官黃秉功  
曹劉適言四百萬錢于是冀乃鬼見白日道從入府與  
高及秉等對共計校定為適秉所割匿冀乃書表自理  
其畧言高貴不尚節畝壟之夫而箕踞遺類研密失機  
婢妾其性媚世求顯偷竊銀艾鄙辱天官易譏負乘誠  
高之謂臣不勝鬼言謹因千里驛聞付高上之便西北  
去三十里車馬皆滅不復見秉等皆伏地物故高以狀  
聞詔下還冀西河田宅妻子焉兼為差代以旌幽中之  
訟世說新語曰王導治揚州解舍按行而言曰我正  
為次道治此爾何少為王公所重故屢發此歎晉書

曰羊祜都督荊州時長吏喪官後人惡之多毀壞舊府  
祜以死生有命非由居室書下征鎮普加禁斷 又曰  
杜預爲秦州刺史石鑿奏預擅飾城門官舍稽乏軍興  
遣御史檻車徵詣廷尉以預尚主在八議以候贖論  
幽明錄曰桓恭爲桓石民參軍在丹徒所住解牀前有  
一小陷穴詳視是古墓桓食常先以鮭飴投穴中如此  
經年後眠始覺見一人在牀前云吾終沒以來七百餘  
年後絕嗣滅蒸嘗欲寄君恒食見播及感德無已依君  
籍當爲寧州刺史後果如其言 南史曰傅昭爲安成  
內史郡自宋來兵亂相接府舍稱凶每昏旦間人鬼相

觸在任者鮮以吉終及昭至有人夜見甲兵出曰傅公  
善人不可侵犯乃騰空而去有頃風雨忽至飄郡聽事  
入隍中自是郡遂無患 又曰蔡凝字子居爲中書侍  
郎遷晉陽太守及將至郡更令左右修中書解字曰庶  
來者無勞 舊唐書曰房瑄開元中歷慈谿宋城濟源  
縣令所在爲政多興利除害繕理解字頗著能名 又  
曰李聽起爲邠寧節度使邠州衙廳相傳不利葺修以  
致隳壞聽曰帥臣鑿凶門而出豈有狗于巫祝而隳公  
署邪遂命葺之卒無異變

解署三

居處部

開元通志卷三十四

解署

原飾官舍

毀舊府

詳前二

不入

始至

詳前二

屋去之如始至

伐樹織葦

繕圍葺舍

晉羅含字君

駕以才學知名以解舍喧擾自于城西小湖安葺屋伐

樹為牀織葦為席而居

吳陸抗與諸葛恪換宅抗臨

去繕完城圍葺其牆屋

增官府

公衙上詳解署一

廬舍恪不然深以為取

府寺官舍上詳解署一

九棘三槐二府

八位周禮朝士掌建邦外朝之法左九棘孤卿大夫位

其後面三槐三公位焉州長眾庶在其後左嘉

石平罷民焉右肺石達窮民焉

投穴弓矢向守為吳興太守郡界有卞山山下有項

羽廟相承云羽多居郡廳事前後太守不敢上廳惠謂

網紀曰孔季恭曾為此郡未聞有災遂命盛設筵榻接

簫惠明既而一人長丈餘張弓挾矢向

寢漢惠帝元年曹參為齊相齊悼王富于春秋參盡召

人長老諸先生問所以安集百姓故諸儒以百數言

厚幣請之蓋公至為言治道貴清淨而民自定參于是

避正堂舍蓋焉揮塵錄曰微仲當軸兄大中自陝曹

入朝微仲虛正寢以待之曰微仲當軸兄大中自陝曹

私家也時安厚卿在政府父曰華尚康寧厚卿

夫婦晏然居東序時人以此別二公之賢否

烏棲漢黃霸為相京兆尹張敞舍離雀集丞

得狸聽事鳴蛩晉樂廣為河南尹官舍多怪前尹遂

絕雞跖集河中府有綠莎廳事唐治平中好事者常

加澆既王禹偁送柴諫議任河中府詩綠莎廳事舊鳴

蛩解舍喧攘聽事華侈王上即羅含事極其華後邀

太祖臨幸不徙官解立成公字梁呂僧珍居廣陵

賜予甚厚

宅在市北前有督郵解鄉人咸勸徙解以益宅僧珍怒

曰豈可徙官解以益私宅乎宋寇萊公謫道州司馬

居處部

詳前二

詳前二

詳前二

素無公守百姓間之競荷瓦木不督而會公守  
 立成頗亦宏麗守土者聞于朝遂有海康之命  
 越王  
 解署 兀术宮 上王沂公上契丹事瀛洲道古錄曰元  
 翰林院 以金兀术第為之歐陽楚公詩  
 直房 度閣 實錄宣德十年置六  
 候朝公會 侍班講讀 上下俱詳  
 鑿池蒔蓮 參天蔽日 玉堂叢語柯潛飲院詩  
 蓮決渠引泉公退宴坐其中翛然若真登瀛洲者  
 幢小品楊晉庵守隨掌翰林院之後有巨柳數章參天  
 蔽日民之輸粟米者欲曝于庭患柳陰  
 之翳也請伐其最鉅者公作賦示意 劉井 柯亭  
 翰林記曰劉井學士劉定之所浚在公署後堂之左  
 柯亭學士柯潛所建在公署後堂之右前後二間凡八  
 楹後堂有二  
 柏亦潛所種

解署四

**增詩** 宋楊萬里題太和主簿趙昌父官署詩曰西昌主  
 簿如禪僧日餐秋菊嚼春冰西昌官舍如佛室一物也  
 無惟有竹俸錢三月不曾支竹陰過午未晨炊大兒怒  
 叫小兒啼乃翁對竹方哦詩 明高啓京師寓解詩曰  
 誰言舊隱非靜里且相依綠樹城通苑青山寺對扉官  
 閒休直早客久夢還稀是物春來與惟存舊賜衣 又  
 曰久夜頻聽雨經春不見花蘼蕪青渚燕楊柳白門鴉  
 拙宦危機遠工吟僻性加閒坊車馬少不似住京華  
 又曰寂寞過芳時幽懷只自知袖無投相刺篋有寄僧  
 詩鼠跡塵凝帳蛙聲雨到池疎慵堪置散不敢怨名卑

居處部

詩話前編卷三十四

解署

五

袁袞齋宿院署詩曰璧薦崇元日郊禋戒百工泰壇  
雲霧裏象輅羽儀中越席陳陽位元端處法宮甘泉徒  
欲賦文藻媿揚雄 李東陽齋居和舜咨侍讀院署見  
寄詩曰綠槐庭館坐春風十九年前此興同未老身猶  
書卷裏不眠人在漏聲中大鵬南去雲連海羣鳥西飛  
月繞空燈火憶君連夕話不勝幽思滿齋宮

**增**記唐顧况宛陵公署記曰博陵崔公端憲臺出九江  
涉吳換號三牧作又仁聲上騰上褒之以宣歙等州團  
練觀察採石軍使內建茂行外傳純德德鋪生人生人  
受賜所部無事緝乎井屋高棟大廡樓傳高亭署以崇

牙虔君命也畧五千架圻墁赭聖燭乎一州竹頭木屑  
皆適所用前鎮未之有也兵馬使南陽張伯陽承公指  
揮應接不暇廣而不費華而中儉堡有嚴柝封有巨防  
巢洞之寇化爲平民銅官戰馬牛渚姑熟之隘籠波洛  
谷莫不帖焉 揚夔烏程縣修建縣宇記曰叔孫昭子  
聘于晉晉受邾人之愬執昭子寘于箕使吏藩之昭子  
不以拘爲意止之舍有壞必葺去之如始至故春秋賢  
之今有受九重之命母百里之民凋瘵者繫之以綏訛  
弊者藉之以移旣休于公宇觀其隳摧圯漏忍而不治  
者無乃取譏于君子丹陽某公以再命尹于烏程降車

之期月察訟決獄之暇周視官署其門傾其廳欹其牆  
圮其廡偃頽簷側楹倒榱傾倚風雨罔庇寒暑是窘公  
歎曰建之者何人壞之者何心既叨守邑其敢不力自  
懋以圖嗣修乎

館一

**原**說文曰館客舍也 周禮曰凡國野之道十里有廬  
廬有飲食三十里有宿宿有路室路室有委五十里有  
市市有候館候館有積以待朝聘之官也 又曰凡諸  
侯入王則逆勞于畿及郊勞視館致饌 注曰謂以上  
鄉之禮禮之  
左傳曰圻人以時填館宮室 注曰填  
泥飾也 荆州圖副曰襄

陽縣南有桃林館是則餞行送歸之所萃也 **增**南部

新書曰荆南五花館待客之上地也故蔣元曰不是上  
台憐姓氏五花賓館敢從容 郡國志曰台州仙石山  
有館土人謂之黃公客堂 黃圖曰漢畿內千里並京  
兆府治之内外宮館一百四十五所三輔四十五所郡  
國宮館百四十五所 兩京記曰西京承天門第一鴻  
臚寺次鴻臚客館 開元文字曰凡事之賓客館焉舍  
也館有積以朝聘之官是也客舍逆旅名候館也公館  
也公宮與公所為也私館者自卿大夫以下之家 王  
沂公上契丹事曰燕京南門外有永平館舊名碣石館



清和後易之 又曰檀州五十里至金溝館將之館川  
原平曠謂之金溝淀國主嘗于此過冬自此入山詰屈  
登陟無復里堠但以馬行計日約其里數 又曰古北  
口兩傍峻崖中有路僅容車軌口北有舖設弓連繩本  
范陽防阮契丹之所最為隘東出口度得勝嶺盤道數  
層俗名思鄉嶺八十里至新館過雕窠嶺偏槍嶺四十  
里至卧如來館 使遼行程記曰自檀州北行八十里  
又八十里為虎北口館 禁扁曰金以幽州為中都汴  
為南京有會同館歸仁館同文館思華館祭文館來寧  
館來同館懷德館肅儀館 石湖集曰會同館燕山客

館也遼已有之 又曰燕賓館燕山城外館也 燕都  
遊覽志曰四夷館在玉河橋之西 又曰望京館在城  
東北五十里孫侯村遼建為河北使臣宿昔餞飲之所

館二

**原**左傳曰子產相鄭伯如晉以魯喪未見子產欲壞其  
館垣以納車馬士文伯讓之曰繕垣葺牆以待賓客今  
吾子壞之其若異客何子產曰諸侯舍于隸人門不容  
車而不可踰越賓見無時命不可知請執事將何所命  
若獲薦幣修垣而行君之惠也趙簡子曰信我實不德  
而以隸人之垣以羸諸侯是我罪也使士文伯謝不敏

晉侯見鄭伯有加禮厚其宴好而歸之乃築諸侯之館  
又曰秦伯改館晉侯饋七牢焉 **增**又曰楚令尹子  
元欲蠱文夫人爲館于其側而振萬焉 又曰晉分曹  
衛之田公使臧文仲往宿于重館重館人曰晉新得諸  
侯必親其恭不速行將無及也 又曰叔孫所館雖一  
日必葺其牆屋去之如始至 禮記曰孔子之衛遇舊  
館人之喪使子貢脫驂而賻之子貢曰于門人之喪未  
有所脫驂脫驂于舊館無乃已重乎 **原**戰國策曰燕  
昭王見郭隗曰齊因孤國之亂而襲破燕隗曰帝者與  
師處王者與友處古者人君以千金求千里馬涓人得

千里馬已死買其骨返以報君大怒對曰死馬尚市况  
生馬乎暮年千里馬至者三王欲士先從隗隗且見事  
况賢于隗者乎乃築館而師之樂毅鄒衍劇辛皆爭走  
燕遂以破齊 **增**郊祀志曰武帝七年上幸雍郊見五  
時上求神君舍之上林中硯氏館 **黃圖**曰河間獻王  
德築日華宮置客館二十餘區以待學士 **原**漢書曰  
公孫弘起徒步數十年至宰相封侯起客館開東閣以  
延賢人與參謀議故人賓客仰衣食俸祿皆以給之弘  
年八十終後李蔡嚴青翟趙周石慶公孫賀劉屈氂繼  
踵爲丞相者客館丘墟而已至賀屈氂時壞已爲馬廄

車庫奴婢舍矣 又曰元帝幸長楊射熊館布車騎大  
獵揚雄作賦以諫 魏志曰管寧字幼安與同縣邴原  
相友俱遊學于異國聞公孫度令行于海外遂與平原  
王烈等至于遼東度虛館以候之 世說曰魏明帝爲  
外祖母築館于甄氏旣成謂左右曰館當何以爲名侍  
中繆襲曰陛下聖思齊于摺王罔極過于曾閔此館之  
興情鍾舅氏宜以渭陽爲名 增雷次宗傳曰元嘉中  
召詣京邑爲築室鍾山西巖下謂之招隱館 宋書曰  
元嘉十五年立儒學館于北郊命雷次宗居之 齊書  
曰褚伯玉字元璩居剡瀑布山宋孝建二年徵聘不至

齊太祖即位手詔吳會二郡以禮迎遣又辭疾上不欲  
違其志敕于剡白山立太平館以處之 又曰永明五  
年立商飈館于孫陵岡 幽怪錄曰竟陵掾劉諷夜投  
空館有女郎至歌曰明月清風良宵會同星河易滅歡  
娛不終綠尊翠杓爲君斟酌今夕不飲何時歡樂忽有  
黃衣人曰婆提王屈娘子速來女郎皆起明日拾得翠  
釵數隻 玉海曰淳化四年始置四方館使列于內職  
思陵錄曰淳熙十五年遣留守司顏師魯高震至燕  
京燕京館宴畢入來寧館蓋泛使之館也 成祖實錄  
曰永樂初設北京會同館改順天府燕臺驛爲之 明

會典曰正統六年定為南北二館北館六所南館三所

館三

**原歸俎** 飾厨 禮曰大饗卷三牲之俎歸于賓館

飲食傳傳舍使及過客 獻歌 受業 漢明帝紀儒館

皆得令稱其意傳音轉 受業 閣人 王導處眾妾密祭別館

翹材 招隱 賢曰翹材曰接士弘開東閣分三館曰欽

文帝徵詣都 除館 崇館 晉人為季孫除館于西河

為築招隱館 就館 詩適子之館分 連榻坐客

大諸侯 適館 詩適子之館分 連榻坐客

倒屣迎賓 晉羊琇家賓林預拜鎖內將軍朝士畢賀乃

異材吾不如也吾 不問所舍 敢辱大館 禮見人不

其所舍 士不敢亂 子無藝能 何蕃居太學

敢從亂 于我乎館 盧舍賓客 天子賜舍 司儀

休之為中書監引入文林館時嗤鄙之 于時廬旅

**致館** 禮並儀 賓至如歸 舍不為暴 **增** 築王姬館

**築鼻氏館** 左傳夏單伯逆王姬秋築王姬之 掌方國

**互市** 與商人雜居 隋場帝于建國門外置四方館待

十五年上謂侍臣曰古者諸侯入朝有湯沐邑芻禾百

車待以客禮漢為諸師與商人雜居禮不足人城頃聞都督

刺史充考使至京師與商人雜居禮不足人城頃聞都督

令京城為諸州朝集使造邸第三百餘所上親臨幸焉

**鴻臚典客** 廣文博士 後魏主置客令典蕃 鄭虔

居處部 尚監領為卷三四次

館

館

館

傳元宗愛虞之材欲置左右以不事事更置廣文館以

增國學置廣文館以居賢者令後在訴宰相宰相曰上

世言廣文博士自君始不亦美乎迎風置酒臨臯

奏樂陸士衡詩置酒迎風館李固言傳為浮槎

橫江浮槎館在廣西南寧府橫州秦觀嘗過白鶴

黃花元帝初元三年茂陵白鶴館安詔曰乃者火災降

同文樂賓同文館在延秋坊宋熙寧中置以待高

高麗貢使館朝觀修容會計交政柳宗元郊寧奏

職之禮必有棟宇建于京師朝觀會計交政柳宗元郊寧奏

為修容之地會計為交政之所

豫章西館揭馬中時為交政之所

賦營密館于周坊節賓侶之所集

未定孟子舍館未定

濃花發黃葉稀野館濃花

孤館

蕭條黃葉稀同魚鱗鄰蛟室韓詩府西三百里候館同

蛟室人煙接島夷欽賢接士前並詳

館四

原詩晉表宏擬古詩曰高館百餘仞迢遞虛中亭文幌

曜瓊扇碧疏映綺標後周庾信入彭城餘詩曰襄君

前建國項氏昔稜威鳴飛傷楚戰雞鳴悲漢園年代殊

氓俗風雲更盛衰水流浮磬動山深喧狝飛夏餘花欲

盡秋近雁將稀槐庭垂綠穗蓮蒲落紅衣

國題豫章館詩曰楊柳映春江江南轉佳麗吳門綠波

裏越國青山際遊宦常往來津亭暫臨憩驛前蒼石沒

居處部

嶺南實為本

館

浦外湖沙細向晚宴且歡孤舟罔然逝雲雷西北客氣  
歇東南帝獨有萋萋心誰知怨芳歲 岑參銀山磧西  
館詩曰銀山峽口風似箭鐵門關西月如練雙雙流淚  
沾馬毛颯颯胡沙迸人面丈夫二十未富貴安能終身  
守筆硯 儲光羲終南幽館詩曰卜築青巖裏雲蘿四  
垂陰虛室若無人喬木自成林時有清風至側聞樵采  
音鳳凰鳴南岡望望隔層岑旣言山路遠復道溪流深  
偃佺空中遊虬龍水中吟何當見輕翼爲我達遠心  
王維文杏館詩曰文杏裁爲梁香茅結爲宇不知棟裏  
雲去作人間雨 又竹裏館詩曰獨坐幽篁裏彈琴復

長嘯深林人不知明月來相照 裴迪竹裏館詩曰來  
過竹裏館日與道相親出入唯山鳥幽深無世人 李  
白題宛溪館詩曰吾憐宛溪好百尺照心明何謝新安  
水千尋見底清白沙留月色綠竹助秋聲却笑嚴湍上  
于今獨擅名 沈佺期岳館詩曰洞壑仙人館孤峯玉  
女臺空濛朝雨合窈窕夕陽開荒澗含輕霧虛巖應薄  
雷正逢鸞與鶴歌舞出天來 孟浩然次蔡陽館詩曰  
日暮馬行疾城荒人住稀聽歌疑近楚投館忽如歸魯  
堰田疇廣章陵氣色微明朝拜嘉慶須著老萊衣 杜  
甫山館詩曰南國書多霧北風天正寒路危行木杪身

遠宿雲端山鬼吹燈滅厨人語夜闌雞鳴問前館世亂  
敢求安元劉因寓萬壽宮館舍詩曰來時殘雪點征  
衣落盡庭花尚未歸夢裏不知身尚病春山歸路馬如  
飛黃庚王修竹館即事詩曰池館翠涼處寬閑稱客  
居未仙猶闌苑不夢亦華胥竹靜堪居鶴荷香欲醉魚  
心清無箇事長日一編書劉秉忠客館詩曰客館蕭  
條動客情飛螢箇箇傍窓明樓頭鼓角聲吹斷漏下銀  
河第一聲郝經新館感春詩曰東風吹徹褐水氣撲  
虛簷月窟星河澹江城鼓角嚴年深愁不醒春至恨猶  
添爲問秦通守何顏說錦簾虞集赤城館詩曰雷起

龍門山雨灑赤城館蕭騷山木高浩蕩塵路斷魚龍起  
新波燕雀集虛幔開戶微風興倚杖衆雲散明劉養  
晦野館詩曰安穩桐溪上時危久索居蟻穿庭下穴蝸  
篆壁間書野水臨秋迥山窓映月虛十年戎馬亂歸計  
定何如高啓晚至西陵館詩曰匹馬倦嘶風蕭蕭逐  
轉篷地經兵亂後歲盡客愁中晚渡隨潮急寒山舊驛  
空可憐今夜月相照宿江東又客館秋懷詩曰獨卧  
愁空館牆陰野豆開暑將潮氣斂秋與竹聲來身賤多  
違志時清少棄材慙非張仲蔚門戶有蒿萊楊基宿  
高季迪京館詩曰歲晚此相逢鄉情似酒濃語長銷夜

燭夢短及晨鐘急雪風鳴葦微雲月照松雞前趨闕去  
寒樹曉龍蔥

**原賦**晉張協元武館賦曰爾乃地勢夷敞既膏且腴環  
以翠林帶以赤渠尋厥先之攸基實張氏之舊墟何魏  
后之周覽遂築館而起廬既號元武是曰石樓于是崇  
墉四匝豐廈詭譎爛若丹霞皎如素雪璀璨皓盱華璫  
四垂接棟連阿岬嶻參差朱戶清鋪幽闔秘閨于是高  
樓特起竦峙岩堯飛甍四注上縹浮霄直亭亭以孤立  
迎千里之清颺陽扉南啓陰軒北達春牖左開秋窓右  
豁仰視雲根俯臨天末木則楸梓夾路翁蔚如林洪榦

十圍修枝百尋 潘尼東武館賦曰東武館者蓋東武  
陽侯之館也嘉大雅之洪操美明哲之保身懲都邑之  
迫險厭里巷之囂塵慕古公之胥宇羨孟氏之審鄰將  
遷居于爽塏乃投迹于里仁前則行旅四湊通衢交會  
水泛輕舟陸方羽蓋後則崇山崔嵬茂林幽藹彌望遠  
覽滉漾夷秦表裏山河出入襟帶若乃潛流旁注飛渠  
脉散芙蓉映渚靈芝蔽岸于是逍遙靈沼遊豫華林彎  
弓撫彈娛志蕩心恬不空縱綸不苟沈遊鱗雙躍落羽  
相尋膳夫進俎虞人獻新春醴九醞嘉豆百籩隨波沂  
流乍往乍旋



**原**銘後漢李尤高安館銘曰巍巍高安明聖是修嚙曉  
麗館窓闥列周長除臨起櫺檻相承聖朝明察同保休  
徵 又平樂館銘曰乃興平樂弘敞麗光層樓通閣禁  
闥洞房勢梁照曜朱華飾當騁武舒秘以示幽荒如榮  
普覆然後來王

驛一

**增**說文曰驛置騎也 玉海曰郡國朝宿之舍在京者  
謂之邸郵騎傳遞之館在四方者謂之驛 廣雅曰郵  
驛也置亦驛也 風俗通曰漢改郵為置置者度其遠  
近之間置之也 玉藻曰士曰傳遞之臣 注云遠以車  
馬給使者也

謂若今時乘驛遞傳而  
遽疾故謂之傳遞也 孟子曰德之流行速于置郵  
而傳命 漢宣帝詔曰吏或飾厨傳稱過使客以取名  
譽 韋昭曰厨為飲食傳謂館舍言修飾意氣以稱過使  
而已 師古曰使人及賓客來者稱其意而遣之使  
過也 孫樵記曰褒城驛號天下第一 詩話曰白沙  
驛在永州一百二十里祁陽縣下臨湘水西岸門外有  
亭以形勝盡在此也

驛二

**增**漢書曰鄭當時字莊陳人以任俠自喜為太子舍人  
五日一洗沐常置驛馬長安諸郭詣謝賓客夜以繼日  
常恐不編 又曰魏相為茂陵令御史大夫桑弘羊客

許稱御史止傳承不以時謁客怒縛丞相疑其有奸收捕案致其罪論棄客市茂陵大治 又曰王溫舒爲河內太守令郡具私馬五十匹爲驛自河內至長安奏行不過二日得可事論報河內皆怪其奏以爲神速 後漢書曰趙孝字長平父普王莽時爲田禾將軍任孝爲郎每告歸常白衣步擔嘗從長安還欲止郵亭亭長先時聞孝當過以有長者客掃灑待之孝既至不自名長不肯內因問曰聞田禾將軍子當從長安來何時至乎孝曰尋到矣于是遂去 又曰劉寵累登鄉相家無貨積嘗出京師欲息亭舍亭吏止之曰整頓灑掃以待劉

公不可得也寵無言而去時人稱其長者 又曰衛颯建武時遷桂陽太守三縣去郡遠且千里每一吏出徭及數家颯乃鑿山通道五百餘里列亭傳置郵驛于是役省勞息 會要曰開元十六年七月敕傳驛因御史出使察之二十五年五月御史鄭審檢校兩京館驛猶未稱使今驛門前十二辰堆即審創焉 舊唐書曰裴潏元和中兩河用兵初憲宗寵任內官以充館驛使有曹進五者恃恩暴戾遇四方使多倨有至捽辱者宰相李吉甫奏罷之十二年淮西用兵復以內官爲使潏上疏曰館驛之務每驛皆有專知官畿內有京兆尹外道

有觀察使刺史迭相監臨臺中又有御史充館驛使專  
察過闕若令官闈之臣出參館驛之務則內臣外事職  
分各殊竊恐塞侵官之源絕出位之漸言雖不用帝意  
嘉之 新唐書曰元稹為御史分司東都召還次敷水  
驛中人仇士良夜至稹不讓中人怒擊稹敗面宰相以  
稹年少輕樹威失憲臣體貶江陵士曹參軍 舊唐書  
曰柳公綽長慶元年為京兆尹時河朔復叛朝廷用兵  
補授行營諸將朝令夕改驛騎相望公綽奏曰自幽鎮  
用兵使命繁併館遞匱乏鞍馬多闕又敕使行李人數  
都無限約其衣緋紫乘馬者二十三匹衣黃綠者不

下十匹五匹驛吏不得視券牒隨口即供驛馬既盡遂  
奪路人鞍馬衣冠士庶驚擾怨嗟遠近喧騰行李將絕  
伏望聊為定限乃下中書條疏人數自是吏不告勞

驛三

**原** 聚 續 食 野廬氏掌達國路至于四畿比國郊及

塗地之人聚 續 食 野廬氏掌達國路至于四畿比國郊及

買驛馬四郊迎賓縣次與續食注云路次也 鄭當時 劉龍

息 趙孝止 詳驛二俱 一宿去 三日館 莊子曰仁義

遽廬傳舍一宿而去 乘驛 請地 驛遽傳也左氏曰

禹年老自起冢瑩好平陵肥牛亭部處地又近延陵奏  
請求之地上以賜禹詔平陵徙亭他所曲陽侯王根聞而  
爭之此地當平陵寢廟衣冠出遊道禹為師傳不遵謙  
讓至求衣冠所遊之道又徙壞舊亭非宜孔子稱賜汝

居處部 詳監頓志卷三百四十八

愛其羊我愛其禮宜賜他延客閱人漢鄭莊置驛

館二詳不修私具郵驛不修知其不能宜過之橋梁

賦傳避傳宗避重曰避伯詐傳投傳上詳驛二

增傳命奏事上詳驛一杜郵賜劍皇華擲書

宿飾傳稱客上詳驛二下詳驛一杜郵賜劍皇華擲書

秦王訖與趙戰不利武安君白起曰不聽吾計今何如

矣王聞之怒強起之武安稱病篤乃免為士伍遷之陰

密行至杜郵應侯曰起之意尚快有餘言王乃賜

之劍武安遂自殺異聞錄云廣州押衙崔慶成轄香

藥網詣內庫抵皇華驛舍見美婦曰今日見君君必有

疑今日捨君我寧不海侯君回轅別圖後會擲書曰川

中詢百姓眼馬撲兒御厨飯泊還不敢宿皇華驛寓宿

旅邸前婦人來曰今日之事可諧否十二字能解否慶

成不能對因命酒慶成不能舉能乃作詩二首滅乘

燈而去丁晉公見十二字曰此獨眠孤館四字也

傳詣洛乘傳過家史記漢高詔鄴商謂田橫曰田橫

誅馬田橫乃與其客二人乘傳過家西人皆以為榮取善

仲子陵與黔中選補乘傳過家西人皆以為榮取善

諛改避賢其鵠乃揭空籠往見王曰臣不忍鵠之渴

出而飲之俄飛去吾欲死也楚王曰齊有信臣若此乃

自殺買而代之是欺吾王也楚王曰齊有信臣若此乃

厚賜而歸驛名善蓋取此沒已久感我淚交流祠曹諱

陽城驛名同陽道州陽公沒已久感我淚交流祠曹諱

羊祜此驛名不伴我欲已斬女巫不讓宦官肅宗

避公諱改名避賢驛分遣女巫遍禱山川有巫者少年

盛服相尚鬼神之事隨之刺史晨至誅求與惡戶不啓震命

以待奪馬以聞上即管寧事詳會館高元裕真擅乘

居處部開盤頭馬卷三十四

驛馬元裕誠之曰天子買驛爾敢市健馬募駿足

疾驅邪命左右奪之還具以聞馬疲耗鈞為市健馬率

唐虞鈞拜為華州刺史關輔驛馬為商州刺史有治賦羨

三歲一易自是無之市馬以供驛用劉晏馳驛入奏

銀疑一諸道巡院皆募驛足置驛相望晏

字士安諸道巡院皆募驛足置驛相望晏

飛驛達警唐溫造使幽州還驛入奏

宿黃丞見迎常宿于此夢得彩筆八里治亭昔江淹

解縣飲酒有一人頻犯語令連飛十數元積昔日曾于

後奉使東川至褒城驛有黃明府見迎瞻其形容騷騷

似識問其前銜即曩日隴道塢驛前池順帝五

席黃丞也贈黃明府詩隴道塢驛前池順帝五

丘令扶風漢陽策隴道塢驛前池順帝五

張網傳漢安帝五年選遺八使狗行風俗綱獨埋其車

輪于洛陽都亭曰豺當道安問狐狸籌筆驛在蜀

路諸葛亮籌畫飛狐亭障井陘烽燧王霸傳建武

于此山水最秀

茂治飛狐亭障自代至平城三百餘里馬成傳建武

十四年代杜陵繕治障塞自西河至涓橋河上至安邑

太原至井陘中山至鄴皆高陽傳舍穎川郵亭列

築堡壁起烽燧十里一候高陽傳舍穎川郵亭列

沛公至高陽傳舍使人召酈食其

黃霸守穎川使郵亭鄉官皆蓄雞豚

驛四

原乘傳置傳置注遺留也財與纜同傳置驛也

傳舍公食使車驛騎星軺車使軍書

行人供其乏困行李往來無憂客使左傳高其開

以無憂

客使赤白囊邊郡發奔命書馳

驛吏持赤白囊邊郡發奔命書馳

來至馭吏因隨驛騎至公車刺取

皆赤

御史知驛會要大曆中各以

居處部

十五年御史鄭審檢校兩京館驛  
今驛門前十二辰堆即審所創  
掌天下傳驛凡三十里一驛  
所水驛一千二百九十七所  
鈴聲郎當詩頗明皇幸上亭驛  
郎當湖岸聞歌西陽雜俎劉曰  
風根不記青楓幾回落當年手  
製衣善行鋪卒名為草上烟  
有勢使命常數程打過  
立太飼馬宿隼今有飼馬宿隼  
祖處不毀器物日益以備招來  
盧破不與曩類劉諫議院無能  
碎請以備使劉諫議院無能  
來諸國貢使使劉諫議院無能  
驛官官祺始奏驛取至京  
建劉諫議院

水陸相兼六典駕  
草上烟東馬舖有驛  
陳橋擁立陳橋驛在開  
陳橋擁立陳橋驛在開  
陳橋擁立陳橋驛在開  
陳橋擁立陳橋驛在開  
陳橋擁立陳橋驛在開  
陳橋擁立陳橋驛在開  
陳橋擁立陳橋驛在開  
陳橋擁立陳橋驛在開

命于午門上布卦乃問英國公征南事昭陽占曰此大  
勝之兆時正午當得捷音其時果有飛檄至報安南平  
幣遣歸鄉里

增詩梁庾肩吾亂後經吳郵亭詩曰郵亭一回望風塵  
千里昏青袍異春草白馬即吳門獵戎鯁伊洛雜種亂  
軒轅輦道通關塞王城似太原休明鼎尚重秉禮國猶  
存殷牖父雖蹟堯城吏轉尊泣血悲東走橫戈念北奔  
方憑七廟畧誓雪五陵冤人事今如此天道共誰論  
唐張說古泉驛詩曰昔聞陳仲子守義辭三公身賃妻  
織屨樂亦在其中豈無窮賤苦羞與傾巧同長白臨河

驛五

居處部  
唐張說古泉驛詩曰昔聞陳仲子守義辭三公身賃妻  
織屨樂亦在其中豈無窮賤苦羞與傾巧同長白臨河

居處部

唐張說古泉驛詩曰昔聞陳仲子守義辭三公身賃妻

驛

王

上於陵入濟東我今行至此感歎古泉空 又深渡驛  
詩曰旅宿青山夜荒庭白露秋洞房懸月影高枕聽江  
流猿響寒巖樹螢移石驛樓他鄉對搖落併覺起離憂  
宋之問至端州驛見杜五審言沈三佺期閻五朝隱  
王二無競題壁慨然成咏詩曰逐臣北地承嚴譴調到  
南中每相見豈意南中岐路多千山萬水分鄉縣雲遙  
雨散各飜飛海闊天長音信稀處處山川同瘴癘自憐  
能得幾人歸 又題大庾嶺北驛詩曰陽月南飛雁傳  
聞至此迴我行殊未已何日復歸來江靜潮初落林昏  
瘴不開明朝望鄉處應見隴頭梅 王勃白下驛餞唐

少府詩曰下驛窮交日昌亭旅十年相知何用早懷抱  
即依然浦樓低晚照鄉路隔風烟去去如何道長安在  
日邊 蘇頲曉發方驛詩曰傳置遠山蹊龍鍾蹶澗  
泥片陰常作雨微照已生霓鬢髮愁氛換心情險路迷  
方知向蜀老偏識子規啼 李白至鴨欄驛上白馬磯  
贈裴侍御詩曰側疊萬古石橫爲白馬磯亂流若電轉  
舉棹揚珠輝臨驛卷緹幕升堂接繡衣情親不避馬爲  
我解霜威 杜甫宿白沙驛詩曰水宿仍餘照人烟復  
此亭驛邊沙舊白湖外草新青萬象皆春氣孤槎祇客  
星隨波無限好的的近南暝 李商隱籌筆驛詩曰魚

鳥猶疑畏簡書風雲長爲護儲胥徒令上將揮神筆終  
見降王走傳車管樂有才終不忝關張無命復何如他  
年錦里經祠廟梁甫吟成恨有餘 元黃庚書山陰驛  
詩曰迢遞三山道重來感舊遊潮聲寒帶雨山色淡生  
秋寄驛通鄉信題詩記旅愁江湖十年客兩度到西州  
范梈過三合驛詩曰一春歸計又蹉跎窮粵風光奈  
病何總有青山千萬疊行人長少鷓鴣多 薩都刺至  
龍潭驛詩曰野草山花知姓氏人生踪跡是浮萍帆衝  
細雨空江白鳥沒長淮遠樹青今夜故人離水驛明朝  
別酒盡沙瓶匆匆又入丹陽去暮鼓晨雞已候聽 又

題茶陽驛詩曰白雲飛出山怒擘蒼峽裂幽谷濕晴雲  
絕壁灑飛雪萬折入滄海龍宮水晶闕簸揚弄珠人冰  
簾挂寒月 又題揚州驛詩曰銀燭高烧照不眠呼兒  
飲馬吸清泉寒砧萬戶月如水塞雁一聲霜滿天金縷  
款歌來枕上銀瓶索酒到亭前明朝走馬燕山道贏得  
紅樓說少年 明劉基發安仁驛詩曰雞鳴發山驛天  
黑路彌險煙樹出猿聲風枝落螢點江秋氣轉炎瘴濕  
雲難斂佇立山雨來客愁紛紛冉冉 又夜泊桐江驛詩  
曰伯夷清節太公功出處非邪豈必同不是雲臺興帝  
業桐江無用一絲風 汪廣洋登胥江驛亭詩曰小閣



開簾望遠峯煖風晴日轉幽禽胥江流水清無底較比  
春愁一樣深 曾蔡駕次江心驛詩曰清蹕初傳日未  
西鴻臚將引唱班齊營門風暖千旗動輦路雲香萬馬  
嘶草綠夜塘多是水雨晴沙道不成泥忽傳四鼓鑾輿  
發不寐時時聽曉雞 王守仁書草萍驛詩曰一戰功  
成未足奇親征消息尚堪危邊方西北傳方警民力東  
南已盡疲萬里秋風嘶甲馬千山斜日度旌旗小臣何  
爾馳驅急欲請回鑾罷六師

**增**記唐李勉滑州新驛記曰余僉試光祿卿兼同州別  
駕裴萬以恪以幹俾主剗厠巧墁之工授其意曰無尚

雕木之異無榮飾土之奇揆時勿奪詳費就簡惟疎楹  
棟將違暑也廣庭廡將違風也取寧體之用去娛目之  
奢彤彩爲文刻剗像物有益勞費豈利蔭庥况玩巧蕩  
神誇麗踰度乎 崔祐甫滑亭新驛碑陰記曰連帥尚  
書汧公爲國垣翰于東土軍禮肅人謠興新其亭傳以  
待賓旅謀之有程設之有所力肆于悅巧悛于淫勿亟  
而成得其時制博敞高明倬其閑閤沈深奧密杳然其  
堂室 鄭就宋州重修五驛記曰我季父適守睢陽大  
軍頓其所資糧器械且靡闕一毫明年九月賊平我公  
念雁池泊會亭五驛前爲賊熾焰所滌况沿河旁午豈

可使厦屋不修乃厠材屨工未數月而畢其創匠輪奐  
為客館之最

閭里一

**增**說文曰閭里門也 又曰里居也 爾雅曰巷門謂  
之閭 風俗通曰五家為軌十軌為里里者止也五十  
家共居止也 周禮曰太宰以官府之八成經邦治三  
曰聽閭里以版圖 又曰五家為比使之相保五比為  
閭使之相受若國有大故則卿大夫各守其閭以待政  
令 又曰族師各掌其族之戒令政事以邦比之法五  
家為比十家為聯五人為伍十人為聯四閭為族八閭

為聯使之相保相受刑罰慶賞相及相共以受邦職以  
役國事以相葬埋 又曰遂人掌邦之野以土地之圖  
經田野造縣鄙形體之法五家為鄰五鄰為里四里為  
鄣五鄣為鄙五鄙為縣五縣為遂皆有地域溝樹之使  
各掌其政令刑禁 毛詩曰將仲子兮無踰我里 尚  
書曰表厥宅里 禮記月令曰孟夏門閭無閉 淮南  
子曰里名勝母曾子不入邑號朝歌墨子迴車

閭里二

**增**列子曰燕人生于燕長于楚及老而還本國過晉同  
行者誑之指城曰此燕國之城其人愀然變容指社曰

若里之社也乃喟然而歎指舍曰此若先人之廬乃泣然而泣指隴曰此若先人之冢哭不自禁同行者啞然大笑曰予皆給若此晉國耳其人大慙及至燕悲生更微水經注曰齊景公欲更晏子宅辭曰敢煩里旅吾生則近市死豈易志因葬故宅後人名之曰清節里漢書曰武帝以璽書敕樓船將軍楊僕曰將軍乘傳行塞因用歸家懷銀黃垂三組夸鄉里又曰萬石君慶徒居平陵里及諸子入里門趨至家張湛為馮翊告歸平陵里望里門而步後漢書曰荀淑有子八人儉緄靖燾汪爽肅專並有名稱時人謂之八龍初荀氏舊里

名西豪穎陰令渤海苑康以為昔高陽氏有才子八人今荀氏亦有八子因改其里曰高陽里齊書曰劉繪為南康相郡人有姓賴者所居名穢里繪嘲之曰君有何穢而居穢里荅曰未審孔子有何闕而居闕里繪歎其辨速南史曰花柏年漢中人常詣宋明帝因言及南海貪泉帝問年曰鄉里有此水否對曰臣漢中唯有文里武鄉廉泉讓水足以表名唐書曰劉仁軌咸亨中進爵為公子及兄子授上柱國者三人州黨祭之號所居為樂城鄉三柱里又曰劉知幾封居巢縣子鄉人以知幾兄弟六人進士及第文學知名改其鄉里



高陽

樂成

詳上下俱

賢人里

孝子鄉

魏任旋字

傳昌人漢末黃巾起到傳昌聞旋姓名曰風聞任子禎

孝問母喪負土成牆廬側詔表其門閭後揚名鄉

累德里

成墳墳前二北史鍾因字孝政父母亡負土

孝帝表其間擢按甘棠子榮亦至孝父喪廬墓庭

冠蓋里

巾車鄉

漢魏復榮茂詔號所居為累德里

卿士及刺史二千石數十人刺史行部見之救縣各其

賊那可入

君有何穢

月旦評

東漢汝南許都與兄清俱有高名好愛論鄉里

蒲葵扇

東漢汝南許都與兄清俱有高名好愛論鄉里

萬安取其中者

鄭公鄉

趙公里

東漢鄭元字康成北海人元好學學

徒至數千百人國相孔融深敬之令高密光德里

調元鄉

錦里

樗里

尚冠

鳴珂

宣紀時會朝

唐博陵崔邠兄弟六人自始仕至貴達同居光

乘鈞

錦里

樗里

尚冠

鳴珂

宣紀時會朝

樹故曰樗里然疾居渭南子尚冠

陰鄉

弩矢先驅

衣繡書行

持羊酒賀

分肉食均

盧史記

郡縣上以爲然拜相如爲中郎將建節往使至蜀太守

爲州

刺史

衣繡書行

持羊酒賀

分肉食均

盧史記

豐州刺史太尉曰還

祖人

與高祖

同里

生里

中持羊酒賀

兩家及高

軍後減賦茶爲均父老曰善陳孺子之爲宰平曰嗟乎

使平得宰

天下

素聞其賢

罕識其面

京兆尹李

居處部

亦如是肉矣

素聞其賢

罕識其面

京兆尹李

居處部

實舉笏示所記曰此其姓名也與同里素聞其賢願識  
之而進于上五代崔稅遭世亂寓居滑臺不遊里巷  
十餘年人粟里薛曲陶淵明所居栗里兩山門有  
罕識其面昭君村綠珠江昭君生於陝州有昭君村  
繪事見坊

孔子恂恂下惠由由下惠與鄉黨恂恂如也然不忍柳  
去原

敢煩更宅何輕下步敢煩里公欲更晏子宅辭云  
漢張湛字子孝罷馮翊告歸平陵望寺門而下步主簿  
曰明府位尊不宜輕湛曰禮下公門式路馬父母之國  
所當盡禮爾必式必恭桑梓必恭敬上詩維

晉鄉入壺關全節過元城唐蒲晉鄉字元輔潞州為  
行或問之答曰公門當下况父母邦乎壺關望縣門輒步  
節初徙廣晉後過元城衣白襪謁縣官鄉人以爲榮

入里必趨望門則步史慶及諸子入里門必趨至家  
事見前注張湛反貽患苦不宜剽殘東坡志林司馬

不齒于蜀人既而以賦得幸天子未能有所以建明亡絲  
毫之善以自贖也而創開西夷逢君之惡以患苦其父  
母之邦乃復於其車服旌旄之美使邦君負弩矢先驅  
豈詩人致恭桑梓萬石君下里門之意乎唐李勣微  
時往從韋成翟讓爲盜說之老窮不遺守望相助  
禮所居鄉里不宜自爲剽殘孟子曰守望相助示子  
犯寡而弟達于州巷矣孟師範以青州父母所籍每縣  
孫不忘與耆老相樂今至具威儀入謁師範遺吏挾  
坐拜庭中乃出或諫不可曰吾示子孫不忘本也

淵鑑類函卷三百四十八  
居處部  
自益頁為卷三百四十八  
閭里

淵鑑類函卷三百四十八  
居處部  
自益頁為卷三百四十八  
閭里



